

漢書疏證

漢書疏證卷二十三

吳 沈欽韓撰

溝洫志攷二

王延世使塞

元和志王莽河西去魏州貴鄉縣三里古堰今名愜山
在縣西九里成帝時河決金隄王延世運土塞河之處
以其愜當人情故呼之愜山華陽國志漢史按圖緯當
有能循禹之功在犍柯之資陽求之正得延世徵拜河
隄謁者

三十六日河隄成

元志歐陽玄爲賈魯作至正河防記曰治河一也有疏

有濬有塞壅河之流因而導之謂之疏去河之淤因而

深之謂之濬抑河之暴因而扼之謂之塞疏濬之別有

四曰生地

宋志熙寧初李立之請引河東坑劍生隄三百六十七里

曰故道曰河身

曰減水河生地有直有紆因直而鑿之可就故道故道

有高有卑高者平之以趨卑高卑相就則高不壅卑不

滯慮夫壅生潰滯生湮也河身者水雖通行身有廣狹

狹難受水水溢悍故狹者以計闊之廣難爲岸岸善崩

故廣者以計禦之減水河者水放曠則以制其狂水隄

突則以殺其怒治隄一也有剏築修築補築有剏水隄

有截河隄有獲岸隄有縷水隄

明志工部尙書朱衡言截水隄可施於閘河不

可施於黃河湍悍安可以一隄當之縷水隄則兩岸築隄不使旁潰始得遂就下之性

有石船隄

治埽一也有岸埽水埽龍尾闌頭等埽其爲埽臺及推

卷牽制蘊挂之法有用土用石用鐵用草用木用杙用

絙之方塞河一也有缺口有豁口有龍口缺口者已成

川豁口者舊常爲水所豁水退則口下於隄水漲則溢

出於口龍口者水之所會自新河入故道之淵也其濟

故道深廣高下不等相折深二丈及泉曰停曰折者用

古算法因此推彼知其勢之低昂相準折而取勻停也

見九章算術商功篇又劉徽序九章云徽尋九數有重差之名凡望極高側絕深而兼知其遠者必用重差

造重差并爲注解以究古人之意綴於句股之下度高者重表測深者累矩孤離者三望離而又旁求者四望按此卽今之其剏築河口前第一重西隄南北長三百海島算經也

三十步面廣二十五步底廣三十三步樹置椿橛實以

土牛草雜稍相兼高丈有三尺隄前置龍尾大埽宋志垂木

水旁以護岸謂之木龍言龍尾者伐大樹連稍繫之隄旁隨水上

下以破嚙岸浪者也其修築補築亦用椿木草土相兼其修大隄刺水

者二長十四里七十步其西復作大隄刺水者一長十

二里一百三十步接修入水兩岸埽隄並行作西埽者

夏人水工徵自靈武作東埽者漢人水工徵自近畿其

法以竹絡實以小石每埽不等以蒲葦綿腰索徑寸許

者從鋪廣一二十步長二三十步又以曳埽索綯徑三四寸長二百餘尺者衝鋪之相間復以竹葦麻絲大綽長三百尺者爲管心索就繫綿腰索之端於上以草數千束勻布厚鋪於綿腰索之上索而納之丁夫數千以足蹋實推卷稍高卽以水工二人立其上而號於眾眾聲力舉用小大推梯卷成埽大者高二丈又用大索轉致河濱選健丁操管心索順埽隄立踏或挂鐵貓大槩之上以漸縋之下水埽後掘地爲渠陷管心索渠中以散草厚覆築之以土其上復以土牛雜草小埽梢土多寡厚薄先後隨宜修疊爲埽臺務使牽制上下不動搖

日力不足火以繼之積累既畢復卷埽以壓先下之埽
量水淺深疊之多至四埽而止兩埽之間至竹絡高二
三丈圍四丈五尺實以小石土牛既滿繫以竹纜其兩
旁並埽密下大椿就以竹絡上大竹腰索繫於椿上東
西兩埽上以草土築爲埽臺長五十步或百步再下埽
卽以竹索長數百尺者一二雜廁其餘管心索之間俟
埽入水之後其餘管心索如前蘊挂隨以管心長索遠
置數十步外鐵貓大椿曳而繫之再以草土修成隄又
以龍尾大埽密挂於護隄大椿分析水勢其隄長二百
七十步南北中廣四五十步自顙至趾通高三丈八尺

其截河大隄高廣不等長十有九里百七十七步在黃
陵北岸者長十里四十一步並剏築縷水橫隄一東起
北截河大隄西抵西刺水大隄又一隄東起中刺水大
隄西抵西刺水大隄修黃陵南岸長九里百六十步乃
入水作石船大隄蓋是秋八月二十九日道故河流先
所修北岸三隄猶短約水尙少力未足恃決河勢大南
北廣四百餘步中流深三丈餘益以秋漲水多故河十
之八兩河爭流近故河口水刷岸北行洄漩湍激難以
下埽且埽行或遲恐水盡涌入決河因淤故河前功遂
廢乃精思障水入故河之方以九月七日逆流排大船

二十七艘前後連以大桅或長椿用大麻索竹紐絞縛
縱爲方舟又用大麻索竹紐繞船令牢不可破乃以鐵
貓於上流碇之水中又以竹紐長七八百尺者繫岸楫
上每紐碇二三舟使不得下船腹略鋪散草滿貯小石
以板釘合復以埽密布板上二三重以大麻索縛之急
復縛橫木三道於頭桅皆以索維之用竹編笆夾以草
石立之桅前約長丈餘名曰水簾然後選水工便捷者
每船各二人執斧鑿在船首尾岸上槌鼓爲號一時齊
鑿須臾舟穴水入舟沈過決河水怒溢暴增卽重樹水
簾復布小埽土牛白關長稍草土隨宜填埽以繼之石

船下詣實地出水基趾漸高復卷大埽以壓之前船勢
略定沈餘船後草埽三道並舉竹絡盛石置椿繫纜一
如修截水隄法用物之多施功之大數倍他隄大埽約
高二丈或四或五始出水面修至河口一二十步用工
尤艱薄龍口喧豕猛疾觀者股弁十一月十一日龍口
遂合決河絕流故道復通又於隄前通卷攔頭埽各一
道多者或三四前後繫出水管心大索以錮其勢南岸
復修一隄抵已閉之龍口長二百七十步船隄四道成
隄用石輹軸穴以立木如比櫛埋前埽之旁每步置一
輹軸以橫木貫其後又穴石以徑二寸餘麻索貫之繫

橫木上密挂龍尾大埽便夏秋潦水冬春凌薄不得肆
力於岸通用物料價中統鈔百八十四萬五千六百三
十六錠有奇

按劉大夏治張秋決
河亦用石船隄法

來春桃花水盛必羨溢有填淤反壤之害

宋志黃河隨時漲落自立春後候水初至凡一寸則夏
秋當至一尺頗爲信驗故謂之信水二月三月桃花始
開冰泮雨集波瀾盛長謂之桃花水春末蕪菁花開謂
之菜花水四月末壘麥結秀穗芒變色謂之麥黃水五
月瓜實延蔓水朔野山谷沍寒冰堅晚泮盛夏方盡而
沃蕩山石水帶礫腥并流於河故六月中旬後謂之礫

山水七月菽豆方秀謂之豆華水八月莢薶華謂之荻
苗水九月以重陽紀節謂之登高水十月水落安流謂
之復槽水十一月十二月斷水雜流謂之蹙凌水水信
有常率以爲準非時暴漲謂之客水其水勢凡移欂橫
注岸如刺毀謂之劓岸漲溢踰防謂之抹岸埽岸故朽
潛流漱其下謂之踢岸浪勢旋激岸土上隕謂之淪捲
水侵岸逆漲謂之上展順漲謂之下展或水乍落直流
之中忽屈曲橫射謂之徑甌水猛驟移其將澄處望之
明白謂之摺白亦謂之明攤湍怒略停勢稍汨起行舟
值之多溺謂之薦浪水水退淤澱夏則膠土肥腴初秋

則黃滅土頗爲疏壤深秋則白滅土霜降後皆沙也

治河卒非受平賈者爲著外繇六月

免其外繇六月也宋食貨志初黃河歲調夫修築埽岸其不卽役者輸免夫錢熙豐閒淮南科黃河夫夫錢十千富戶有及六十夫者河渠志大觀二年工部員外郎趙霆上免夫之議大略謂黃河調發人夫修築埽岸每歲春首騷動數路常至破產今春滑州魚地埽合起其役常令送免夫之直用以買土增貼埽岸比之調夫反有贏餘乞詔有司應調春夫並依此例立爲永法

宣和末饋

餉空乏詔天下並輸免夫錢凡得一千七百餘萬緡

按漢慮不償其庸而免其外

繇宋反利其值而橫爲窠名蓋仁不仁之政懸絕矣

患底柱隘可鑄廣之

元和志底柱山俗名三門山在陝州峽石縣東北五十里禹治洪水山陵當水者破之以通河三穿旣決河出

其閒有如於門故亦謂之三門

白樂天集三門者中曰神門南曰鬼門北曰人

門水行其閒聲激如雷而鬼門尤爲險惡舟楫一入鮮有得脫

新唐食貨志開元二十

九年以州刺史李齊物鑿底柱以通漕開山顛爲輓路燒石沃醴而鑿之天寶元年上言三門運渠成然棄石入河激水益湍怒舟不能入新門候水漲以人輓舟而上歲漕經底柱覆者幾半

河隄都尉許商

水經注河水又東北過楊虛縣東

明志德州平原縣北有楊虛城

商河

出焉元和志滴河在德州滴河縣北十五里漢成帝鴻

嘉四年河水泛溢爲害河隄都尉許商鑿此河通海故

以商字爲名後人加水焉

按許商沮孫禁開通篤馬河之議其前又議不浚屯氏河

致河決館陶彼之於河渠了無措置如此商河之傳浪得名耳

令入故篤馬河

水經注屯氏別河南濱白平原城北首受大河故濱東

出亦通謂之篤馬河

地理志平原縣有篤馬河東北入海行五百六十里一統志土河在

河間府寧津縣南二十五里相傳卽古篤馬河

寰宇記馬頰河在滄州樂陵縣

東六十里從滴河縣北界來輿地志云篤馬河亦馬賴

也

九域志謠篤爲篤馬河

宋志嘉祐元年四月塞商胡

北流入六塔河不能容復決五年河流派於魏之第六

埽

志前云大名府有孫杜侯村

曰二股河其廣二百尺

自二股河一百三十里至魏恩

州

具德博之境曰四界

首河七月都轉運使韓贊言四界首古大河所經卽清

洫志所謂開通大河入篤馬河者也自春以丁壯三千

浚之可一月而畢支分河流入金赤河使其深六尺爲

利可必商胡決河自魏至於恩冀乾寧入於海今二股

河自魏恩東至於德滄入於海分而爲二則上流不壅

可以無決溢之害乃上四界首二股河圖按此志孫禁雖有是言而事未行不知宋韓贇何所據而云然自是熙寧元祐間主回河東流其禍始此

今見在成平東光隔界中

地理志勃海郡成平縣下云庫池河民曰徒駭河漣沱非大河則班氏不以爲徒駭河也與許商各著所聞耳復人競信商言亦過矣宋志徽宗初河北轉運兼提舉河事張商英請開木門口泄徒駭河寰宇記云徒駭河與滄州清池縣相接古木門城在縣西北四十六里今河閒府交河縣東有成平故城東光縣東有東光故城

濟南府德州北有鬲縣故城

在九河南篤馬河

胡渭曰鬲津出鬲縣篤馬出平原鬲在平原之西北故許商云然

求索九河故迹而穿之

宋志李垂言兩漢而下言水利者屢欲求九河故道而疏之今考圖志大河並在平原西北且河壞澶滑未至平原而上已決矣則九河奚利哉

齊與趙魏以河爲竟

說苑臣道篇齊鄒忌舉田子居爲西河而秦梁弱田敬

仲世家威王曰吾臣有盼子者使守高唐則趙人不敢
東漁於河趙策武靈王曰今吾國東有河薄洛之水與
齊中山同之魏策蘇子說魏王曰大王之地北有河外
卷衍燕酸棗蓋齊竟西北趙竟東南魏則三面踰河南
連鴻溝也

堪溺自其宜也

元史志仁宗延祐元年河南行省言黃河涸露舊水泊
汙地多爲勢家所據忽遇泛濫水無所歸遂致爲害由
此觀之非河犯人人自犯之

近黎陽南故大金隄

宋李垂以爲伯禹故隄實宇記縣隄在澶州臨河縣西十五里自黎陽入堯命縣治水築隄無功又縣隄在貝

州清河縣西三十里自宗城縣界來又縣隄在厯亭縣

東三十五里

明志元以恩州治厯亭縣省入明爲高唐州恩縣

又相州安陽縣

下縣隄堯城築以捍孟門一統志金隄在大名府元城

縣舊府城北十九里南自滑縣接界繞古黃河厯開州

清豐南樂大名元城東北接館陶界又禹隄在東昌府

博平縣西三十里

西山南頭迺折東與東山相屬

明志大名府濬縣漢黎陽縣東有大伾山

按此水經注之黎山隋志

以爲大伾山沿誤耳正義引括地志西南有同山西北大伾山今名黎陽東山又名青壇山

有黑山宋志政和四年十一月都水使者孟昌齡獻議

導河大伾可置永遠浮橋渭河流自大伾之東而來直

大伾山西而止數里方回南東轉而過復折北而東則

又直至大伾山之東亦止不過十里耳視地形水勢東

西相直徑易曾不十餘里間且地勢低下可以成河倚

山可爲馬頭又有中潭正如河陽官本訛譌按元和志

浮橋架黃河若引使穿大伾大山及東北二小山分爲兩股

而過合於下流因是三山爲趾以繫浮梁省費數千百倍

朝廷喜而從之五年六月詔居山至大伾山浮橋屬濟

州者賜名天成橋

九域志宣熙三年廢通利軍以黎陽

軍政和五年升為濟州則正在孟昌齡建橋之後也大

與地廣記無黎陽縣元地理志云金為濟州者並誤大

亓山至汶子山浮橋屬滑州者賜名榮光橋八月都水

上詔云

監言大河以就三山通流正在通利軍之東州此復言

文駿雜通利軍史慮水溢為害乞移軍城於大亓山居山之閒

以就高仰按宋時河勢猶與賈讓言仿佛故引之錐指

有奇峰巖秀拔若倚屏障今按縣北六里又有紫金山

在大亓山之東北挈石稜稜山無餘土縣東有鳳凰山與

紫金東西並峙縣西南一里有浮邱山高三十餘丈縣

治正跨其上皆大亓之支隴賈讓所謂東山也縣西南

四十餘里有同山縣西二十里有白祀山縣西北二十

五里有善化山即古枉人山俗名上陽三山周三十里

高六十餘丈此皆

賈讓所謂西山也

內黃界中有澤方數十里

郡國志縣有黃澤水經蕩水東北至內黃縣入於黃澤
元和志在相州內黃縣西北五里

從黎陽北盡魏界故大隄

寰宇記金隄在澶州頓邱縣北十里上接清豐下入南

樂縣界

清豐南樂並魏
界明屬大名府

激使東抵東郡平剛

接地理志東郡無平剛縣郡國志東郡陽平有岡成城
一統志在東昌府莘縣西或卽此也又趙世家敬侯四
年築剛平以侵衛五年齊魏爲衛攻趙取剛平秦策趙

案齊魏築剛平衛無陳野詳此則剛平衛地正義云剛平在河北非也衛文公東徙渡河久矣平剛疑當爲剛平也方輿紀要平剛或曰在滑縣西南

使西北抵黎陽觀下

元和志澶州臨黃縣本漢觀縣地黃河南去縣三十六里

使東北抵東郡津北

水經注河水東北流而逕濮陽縣北爲濮陽津又東北逕衛國縣南東爲郭口津又東逕鄆城縣北河之北岸有新臺爲盧關津

使西北抵魏郡昭陽

方輿紀要昭陽亭在大名府濬縣東北

決黎陽遮害亭放河使北入海

水經注河水逕東燕縣故城北河水又是有棘津之名

又東淇水入焉又東逕遮害亭一統志遮害亭在衛輝

府濬縣西南五十里方輿紀要大河逕亭南又東至黎

陽縣東大伾山北入開州

禹鑿龍門

通典同州韓城縣有龍門山

元和志縣北五十里

禹導河至於龍

門是也元和志絳州龍門縣因龍門山爲名黃河北去

縣二十五里卽龍門口也

王鳴盛後案曰上口孟門在今隰州大寧縣西南入十里

吉州西六十里壺口之北黃河中流西直陝西延安府宜川縣下口龍門在今絳州河津縣西北三十里壺口山盡處西與韓塘之龍門相對上口至下口約一百六十餘里

辟伊闕

方輿紀要闕塞山在河南府西南三十里亦曰龍門山亦曰伊闕山志云山之東曰香山西曰龍門大禹疏以通水兩山對峙石壁峭立望之若闕伊水歷其門遮害亭西十八里至淇水口

水經注淇水又南歷枋堰舊淇水口東流逕黎陽縣界南入河

胡渭曰河先合水而後至遮害亭

通典淇水至衛州衛縣界入

河謂之淇水口

其水門但用木與土耳

後書循吏傳王景與將作謁者王吳共修浚儀渠按水門用石蓋自景始河水注云漢安帝於永初七年令謁者太山於岑於石門東積石以捍衝波則安帝前先有石門也又濟水注靈帝建寧四年於敖城西北壘石爲門以遏渠口謂之石門故世亦謂之石門水

北行三百餘里入漳水中

地理通釋周定王五年河徙而東故漳水不入河而自達於海按通典禹貢衡漳入河處在今廣平府肥鄉縣

界水經注漳水東出山過鄴縣西地理志魏郡鄴縣故
大河在東北入海又廣平國斥漳縣應劭曰漳水出治
北東入海觀賈讓言蓋欲復禹貢衡漳入河之道李垂
導河書亦云於魏縣北折一渠正北稍西逕衡漳直北
下出邢洺徽宗初張商英議引大河自古漳河浮河入
海胡渭曰宋北流初行永濟渠其後兼混入漳水今廣平府曲周平鄉廣宗鉅鹿縣界中並有黃河故道縣志云宋元豐中北決入漳水遂爲大河之所經張商英之議蓋欲導全河以入漳而廢永濟之故道浮河卽水在今滄州東南水經注所稱浮水故瀆也但河由界河趨獨流口入海極其通利而欲改從久淤之浮瀆商英亦非知明志正統十三年御史林廷舉言漳河自沁州發源七十餘溝會而爲一至肥鄉
漳河在隄岸逼隘水縣西北

勢激湍以故爲民患元時分支流入衛河以殺其勢永樂開堙塞舊跡尙存去廣平大留村十八里宣發丁夫鑿開置閘遇水轉入而疏廣肥鄉水道則漳河水減可免居民之患衛河水增益爲漕舟之便從之漳水遂通於衛嘉靖初山東僉事江良材嘗言通河於衛有三便古黃河自孟津至懷慶東北入海今衛河自汲縣至臨清天津入海則猶古黃河道也便一三代前黃河東北入海宇宙全氣所鍾河南徙氣遂遷轉今於河陰原武懷孟開道河入衛以達天津不獨徐沛患息而京師形勝百倍便二元漕舟至封邱陸運抵淇門入衛今道河

注衛冬春水平漕舟至河陰順流達衛夏秋水迅仍從
徐沛達臨清以抵京師且修其溝洫備旱澇限戎馬便
三層事霍韜大然其劃具奏不行六年光祿少卿黃綰
獻治河議言漕河資山東泉水不必資黃河莫若濬充
冀閒兩高中低之地道河使北至直沽入海韜義同
江良材按
綰說不詳良材之說欲改從衛河出河陰懷孟閒是欲
於黎陽遮害亭之上倒挽河西行徒欲倣賈讓之言而
實未能審誦其言霍韜姦人苟欲立異宜其相契也
則自刮除成空而稍深

宋志元祐四年范百祿等言按行黃河獨流口至界河

亦名潮河明志順天府寶坻縣東有潮河方輿紀要巨馬河在霸州北宋界

河也界河東經黃河行流已前闊一百五十步下至五

十步深一丈五尺下至一丈自黃河行流之後今闊至

五百四十步次亦三二百步深者三丈五尺次亦二丈

乃知水性就下行疾則自刮除成空而稍深與張戎之

論正合元史奉不華傳上言淮南以東河入海處宜倣宋置

撩清夫用輶江龍鐵掃撼蕩沙泥隨潮入海明志隆慶

六年河臣潘季馴言海口自雲梯開四套以下關在安東縣東

北一闊七八里至十餘里深三四丈欲則議開鑿必須

深闊相類方可注放時給事中李涑請多濬海口以道眾水之難工力甚難

且未至海口乾地猶可施工其將入海之地潮汐往來
與舊口等耳舊口皆係積沙人力雖不可濬水力自能
衝刷海無可濬之理惟當導河歸海則以水治水卽濬
海之策也河亦非可以人力導惟當繕治隄防俾無旁
決則水由地中沙隨水去卽導河之策也

九河之地已爲海所漸矣

閻若璩云逆訛爲九水經注張折云碣石在海中蓋淪
於海水也昔燕齊遼曠分置營州今城居海濱海水北
侵城垂淪者半王瓚之言信而有徵碣石入海非無證

矣

胡渭曰此不過借營州以證碣石而實與瓚所言不
同瓚事在南岸故曰天嘗連雨東北風海水溢西南

漢書疏證卷二十三

去

八一

出寢數百里事當在春秋之前是逆河變爲勃海之由也道元所言在北岸是碣石淪於海中之由事出漢後故又曰漢世波襄吞食地廣贊水卑耳之溪當同碣石苞淪洪波自碣石以西北岸所侵者漢驪成索縣地今爲灤州樂亭昌樂地其所吞食南北裁數十里南岸所漸者漢漯沃瑁槐廣饒鉅定壽光平壽界今爲雷化利津蒲臺樂安壽光濰縣界其所溢出南北殆二百餘里古之逆河北起寶坻南界歷靜海滄洲鹽山海豐及雷化北界而止

禹之行河水本隨西山東北去

冊府元龜

四百九十七

元和八年十二月魏博觀察使田弘

正奏準詔開衛州黎陽縣古黃河道從鄭滑觀察使薛

平之請也先是滑州歲多水災其城西去黃河二里每

夏雨漲溢則浸壞城郭水及羊馬之半平詢諸將吏得

古河道於衛州黎陽縣界遣從事裴弘泰以水患告於
弘正請開古河用分水力弘正遂與平皆上聞詔許之
乃於鄭滑兩郡徵役萬人鑿古河南北長十四里東西
濶六十步深一丈七尺引舊河以注新河滑人遂無水
患沈亞之集魏滑分河錄元和八年秋水大至滑河南
瓠子隄溢將及城居民震駭帥恐出視水迎河西南行
思欲以救其患亦頗聞故有分河之事言其水嘗導出
黎陽傍帥以其功尙可迹於是遣其實裴弘泰請於魏
曰河經地而東滑最大自洛以西百流皆集於滑而春
秋隄防不爲固此將軍所明知也竊以黎陽西南其洄

壩拒流以生衝激之力誠願決一派於斯幸分其威魏
帥許之按所謂古河者未必禹之故迹當是宿胥瀆耳
宋志紹聖三年轉運使趙偁言河自孟津初行平地必
須全流乃成河道禹之治水自冀北抵滄棣始播爲九
河以其近海無患也今河自橫隴六塔南胡小吳澶州
埽名
百年之間皆從西決蓋河徙之常勢而有司置埽創約
橫截河流回河不成因爲分水初決南宮再決宗城三
決內黃亦皆西決則地勢西下較然可見今欲弭息河
患而逆地勢戾水性臣未見其能就功也崇寧三年十
月臣僚言昨奉詔措置大河大抵水性無有不下引之

就高決不可得況西山積水勢必欲下各因其勢而順導之則無壅遏之患四年尙書省言大河北流合西山諸水在深州武強瀛州樂壽埽俯瞰雄霸莫州及沿邊塘濶萬一決溢爲害甚大詔增二埽隄

周譜云定王五年河徙

梁書文學傅王僧孺被敕撰譜訪劉杳血脈所因杳云桓譚新論云太史三代世表旁行邪上並效周譜以此而推當起周代按藝文志歷譜類有帝王諸侯世譜古來帝王年譜卽此周譜也

又秦攻魏決河灌其都決處遂大

蘇秦傳蘇代曰決白馬之口魏無黃濟陽決宿胥之口
魏無虛頓邱魏策朱已謂魏王曰決滎澤而水大梁大
梁必亡矣韓非子決白馬之口以沃魏氏秦本紀始皇
二十二年王賁攻魏引河溝灌大梁城壞其王請降蓋
秦之滅魏如朱已之料以前所指皆虛擬耳而王橫意
謂決處卽白馬口恐非也紀年惠成王十二年楚師
出河水以水長垣之外
而河爲宗

穆天子傳天子西征至陽紆之山河伯無夷之所都居
是惟河宗氏

浙江書局刊

楊振鎬校

丁立誠校

高培森校

漢書疏證卷二十四

吳 沈欽韓撰

藝文志一

建藏書之策

文選注

三十

劉歆七略曰孝武皇帝敕丞相公孫弘廣

開獻書之路百年之間書積如山又曰尚書有青絲編

目錄

總羣書而奏其七

隋書經籍志劉向七略別錄二十卷劉歆七略七卷古
者史官既司典籍蓋有目錄以爲綱紀孔子刪書別爲

之序各陳作者所由韓毛二詩亦皆相類漢時別錄七略各有其部推尋事迹則古之制也

校經傳諸子詩賦

文選注

魏都賦

風俗通曰劉向別錄讎校一人讀書校其

上下得謬誤爲校一人持本一人讀書若怨家相對爲讎

錄而奏之

御覽

六百

風俗通曰劉向別錄殺青者直治竹作簡書

之耳新竹有汗善朽蠹凡作簡者皆於火上炙乾之陳楚聞謂之汗汗者去其汁也吳越曰殺殺亦治也劉向

爲孝成皇帝典校書籍二十餘年皆先書竹改易刊定
可繕寫者以上素也文選注引多今東觀書竹素也一句
按向上晏子列子奏並云以殺青書可繕寫然則其錄
奏者並先殺青書簡也

易經十二篇施孟梁邱三家

乾鑿度孔子曰易者易也變易也不易也管三成為道
德包籒周易疏子夏傳雖分爲上下二篇未有經字不
知誰加經字按前漢孟喜易本云分上下二經是孟喜
之前已有經字王應麟藝文志攷證曰今易乾卦至用
九卽古易之本文秦漢之際易亡說卦宣帝時河內女

子發老屋得之

按論衡正說篇河內女子發老屋得逸易一篇

按說卦釋文云

荀爽九家集解本乾後更有四爲龍爲直爲衣爲言
後有八爲牝爲迷爲方爲囊爲裳爲黃爲帛爲漿震後
有三爲王爲鵠爲鼓巽後有二爲楊爲鶴坎後有八爲
宮爲律爲可爲棟爲叢棘爲狐爲葵藜爲桎梏離後有
一爲牝牛艮後有三爲鼻爲虎爲狐兌後有二爲常爲
輔頰注云常西方神也不同

易傳周氏二篇

儒林傳云周王孫古義號周氏傳

服氏二篇

祭祀志注蔡邕明堂論易傳太初篇曰太子旦入東學

晝入南學暮入西學在中央曰太學天子之所自學也

御覽

三百八十五

會稽先賢傳曰淳于長通年十七說宓氏

易經

楊氏二篇

武帝時五經博士之一

經典敘錄劉向與校書考易說以爲諸易家說皆祖田何楊叔

元丁將軍大義略同

蔡公二篇

五經異義

王制疏引

易下邳傳甘容說諸侯在千里內皆奔

喪千里外不奔喪若同姓千里外猶奔喪親親也按所

謂下邳傳疑本此

韓氏二篇

儒林傳韓嬰亦以易授人推易意而爲之傳

王氏二篇

儒林傳王同授淄川楊何

丁氏八篇

儒林傳丁將軍作易說三萬言今小章句是也經典序

錄子夏易傳三卷七略云漢韓嬰傳中經簿錄云丁寬

所作

張璠云或駢臂子弓所作薛虞記虞不詳何許人

冊府元龜

六百四

開元初

禮部奏議荀勗中經簿子夏傳四卷或云丁寬所作王

儉七志引劉向七略云易傳子夏韓氏而載薛虞記

古五子十八篇

初學記

文部

劉向別錄曰所校讎中書傳古五子書除復

重定著十八篇分六十四卦著之日辰自甲子至於壬子凡五子故號曰五子

淮南道訓二篇

初學記劉向別錄曰所校讎中書傳淮南九師道訓除

復重定著十二篇御覽

六百九

劉向別錄曰中書署曰淮

南九師書

淮南人闢訓易曰潛龍勿用者言時之不可

息也因日以動因夜以息惟有道者能行之思玄賦注引九師道訓曰通而能飛吉孰大焉按此志作二篇與

總數不合明
呪十字也

古雜八十篇

按此即乾鑿度稽覽圖之等後書張衡歷言尙書詩春秋讖之繆妄而不及易則易說為古書也又乾坤鑿度炎帝黃帝有易靈緯太卜掌三易之法一曰連山二曰歸藏注云連山似山出內氣也歸藏者萬物莫不歸而藏於其中杜子春云連山宓戲歸藏黃帝疏云夏殷易為占周易以九六變者為占杜子春云連山宓戲歸藏黃帝者鄭志答趙商云以無明文改之無據且從子春近師皆以襄九年傳穆姜筮遇艮之八杜預云二易皆為夏殷也以襄九年傳穆姜筮遇艮之八杜預云二易皆以七八為占故言遇艮之八

太卜疏引注云爻在初六九三六四六五上九惟六

二不變連山歸藏之占以不禮運注殷陰陽之書其書

變者為主按此蓋服虔注也

禮運注殷陰陽之書其書

存者有歸藏疏熊氏云殷易以坤為首御覽六百九金

既則殷制連山理合夏書據鄭注則漢時二易尚存其

按賈疏連山以純艮為首

一也隋志云漢初已亡蓋見志無其目也志只云古雜

者蓋年代汗漫雖有其書莫究其用亦未知適是周大

卜所掌與否故存疑云爾孔氏左傳疏云世有歸藏易

者偽妄之書不知隋書載劉炫偽撰者乃連山非歸藏

也然如晉中經簿隋經籍志歸藏十三卷云晉太尉參

軍薛真注刊本訛

注為撰新舊唐志司馬膺注歸藏十三卷鄭

樵通志略司馬膺注十三卷今亡隋有薛正注十三卷

今所存者初經齊母本著三篇而已郭璞爾雅注引歸

藏兩壺兩瑜之文邢昺疏謂出齊母經其非隋唐閒偽

擬明矣御覽

六百八

桓譚新論連山入千言

秦始皇本紀始皇卜之卦得

游徒羅泌以爲連山卦此傳會也

公羊疏春秋說云孔子欲作春秋卜

得陽豫之卦宋氏云夏殷之卦名也歸藏四千三百言

夏易詳而殷易簡今按傳注所引似非四千三百言所

能盡也

賈公彥疏歸藏坤開筮帝堯降二女爲舜妃又見節卦云殷王其國常母谷路史注注云其卦

又有明夷營惑耆老大明之類昔啟筮明夷解治洪水故占大明筮營惑武王伐紂故占耆老曰不吉王應

麟攷證曰傳注所引若君子戒車小人戒徒有息駕焉有雁鵠鷁有白雲自蒼梧入大梁上有高臺下有離池

若以賈市其富如河漢昔女媧筮張雲幕故占之曰吉昭昭九州日月代極平均土地和合四國黃神將戰筮

於巫咸昔夏后啟筮乘龍飛以登於天畢陶占之曰吉
昔者河伯筮與洛戰而枚卜昆吾占之曰不吉昔夏后
啟筮享神於大陵而上鉤臺枚占臯陶曰不吉昔夏后
啟筮享神於晉之墟作為璿臺於水之陽昔者桀筮伐
唐而枚占於焚或曰不吉不利出征惟利安處彼為理
我為鼠勿用作事恐傷其父昔穆王子筮卦於馬遷昔
常娥以西王母不死之藥服遂奔月為月精按並見太平御覽蓋雜說古帝王卜筮之
事疑如汲郡師春但取左傳卜筮事為書耳又說苑鹽

鐵論引易皆本經所無亦古雜之篇也

雜災異五十三篇神輪五篇

圖一

後書郎顗傳易天人應曰君子不思遵利茲謂無澤厥
災孽火燒其宮又曰君高臺府犯陰侵陽厥災火又曰
上不儉下不節災火並作燒君室蓋雜災異之流與京

房傳大略同又乾坤鑿度有萬形經制靈經之名蓋後人妄立名目以為奇怪今古回換無以知之

孟氏京房十一篇

隋志京房周易章句十卷唐志卷同晁公武讀書志曰

今其章句亡乃略見於僧一行及李鼎祚之書按李鼎祚周易

集解引九家易有京房注也又否六五爻引京房曰柔有衣食人之功聖人亦有天覆地載之德故以喻大畜

彖辭京房曰謂二變五體坎故利涉大川五天位故曰應乎天新唐書房志大衍曆六卦議曰十二月卦出於

孟氏章句其說易本於氣而後以人事明之京氏又以卦爻配期之日坎離震兌其用事自分至之首皆得入

十分日之七十三頤晉井大畜皆五日十四分餘皆六日七分止於占災眚與吉凶善敗之事至於觀陰陽之

變則錯亂而不明自乾象歷以降皆因京氏然此自其災異書非章句也御覽五經異義曰今易京氏說臣動

養君其義理也必望利下弗養
以道厥妖國有披髮於野祭者

災異孟氏京房六十六篇

後書郎顗曰臣伏案飛候參察眾政

注京房作易飛候

隋志周

易占十二卷

王氏攷證元祐入年高麗進書有京氏周易占十卷疑隋志周易占十二卷也

易守林三卷周易集林十二卷周易飛候九卷又飛候

六卷周易四時候四卷周易錯卦七卷周易混沌四卷

周易逆刺占災異十二卷並云京房撰就其名目重複

誕異不知誰所定也

舊唐志有京氏周易四時候二卷京氏周易飛候六卷周易混沌四

卷周易錯卦八卷新唐志多逆刺三卷今僅存易傳三卷

按儒林傳焦延壽嘗從孟

喜問易會喜死房以爲延壽易卽孟氏學然則京氏之

易託諸孟喜故志敘京房易而冠以孟氏然隋志又有

焦贛易林十六卷

諸錄卷數並同

今見行而志不列焦氏以其無

師法故不錄中祕或以京氏包之耳六十六篇內當有

焦氏易林也晁氏讀書記曰京房易傳景迂嘗曰是書

兆乾坤之二象以成八卦卦凡八變六十有四於其往

來升降之際以觀消息盈虛大抵辨三易運五行正四

時謹二十四氣悉七十二候而位五星降二十八宿其

進退以幾而爲一卦之主者謂之世奇耦相與據一以

超二而爲主之相者謂之應世之所位而陰陽之肆者

謂之飛陰陽肇乎所配

乾與坤震與巽坎與離艮與兌

而終不脫乎本

以飛某卦之位乃伏某宮之位以隱顯佐神明者謂之伏起乎世而周

乎內外參乎本數以紀月者謂之建終終始極乎數而

不可窮以紀日者謂之積含於中而以四爲用一卦滿四卦者謂之互乾建甲子

於初坤建甲午於上入初一世之五位乃命而爲五世

之位其五世之上乃爲遊魂之世而歸魂之初乃生後

卦之初其建剛日則節氣柔日則中氣其數虛則二十

有八盈則三十有六蓋其可言者如此按御覽咎徵部

又有京房別對災異

五鹿充宗略說三篇

朱雲傳充宗爲梁邱易

京氏段嘉十二篇

京房弟子所撰故冠以京氏學也儒林傳作殷嘉

史記索隱

引別錄易家有京氏注救乃殷之訛

章句施孟梁邱各二篇

隋志漢曲臺長孟喜章句八卷殘缺梁十卷

釋文序錄孟喜章句

十卷無上經七錄云又下經無旅至節無上繫

梁邱施

氏亡於西晉孟氏京氏有書無師新唐書厯志大衍卦

議曰十二月卦出於孟氏章句其說易本於氣而後以

人事明之郊特牲天子存二代之後疏引許慎謹案治

易施曄等說引外傳曰三王之樂可得觀乎知王者所

封三代而已王制疏異義易孟氏說民年二十行役三十受兵六十還兵曲禮疏五經異義易孟京說天子有也天子爵號三也大君者興盛行異四也大王者聖人德備五也詩千旄正義異義易孟京說天子駕六通典凶禮引異義大鴻臚生說諸侯踰年即位乃奔天子喪按後漢書注丹治孟氏易於是重易六爻

孔義正義第二論云重封之人諸儒不同凡有四說王輔嗣等以爲伏羲畫卦鄭玄之徒以爲神農重卦孫盛爲夏禹重卦史遷等以爲文王重卦其言夏禹及文王重卦者按繫辭神農之時已有蓋取易與噬嗑以此論之不攷自破其言神農重卦亦未爲得今以諸文驗之

案說卦云昔者聖人之作易也幽贊於神明而生蓍凡言作者創造之神農以後便是述修不可謂之作也故乾鑿度云垂皇策者犧伏羲用蓍卽伏羲已重卦矣按連山之易說者言宓義神農夏后氏不一故說重卦之人各異要諸重卦不可謂始於文王

彖象繫辭文言序卦之屬十篇

孔氏第六論夫子十翼亦有多家既易經本分爲上下二篇則區域各別彖象釋卦亦當隨經而分故一家數十翼云上彖一下彖二上象三下象四上繫五下繫六文言七說卦八序卦九雜卦十鄭學並同此說

釋文梁武帝云

文言是文
王所制

人更三聖世歷三古

乾鑿度垂皇策者犧卦道演德者文成命者孔辨終備
云至哉易三聖注云三聖伏羲文王孔子則三聖之徵
也班氏以前並如此說王充正說篇云文王周公因彖
十八章究六爻始牽綴周公馬融之徒因之孔穎達陸
德明並承俗說

劉禹錫集絕編生墓表云尼父與伏羲
文王並行猶天三辰同麗太極唐代老

儒猶循
古訓也

易爲卜筮之事傳者不絕

隋志云易初失說卦三篇按此則本未嘗缺蓋承王充

之妄說也又杜預左傳後序太康元年汲郡有發其界
內舊家者大得古書周易上下篇與今正同別有陰陽
說而無象象文言繫辭疑於時仲尼造之於魯尙未播
之於遠國也蓋人間所用卜筮本無十翼耳

費高二家之說

隋志梁有漢單父長費直注周易四卷亡

新舊唐志費直章句四卷

其真偽未辨

費直傳易其本皆古字號曰古文易後漢陳元

鄭眾皆傳費氏之易

見後書儒林傳

馬融又爲其傳以授鄭玄

按李氏集解有馬融說最爲庸淺不直鄭君一哂耳胡云相授耳

玄作易注荀爽又作

易傳魏代王肅王弼並爲之注自是費氏大興高氏遂

袁

按高氏本微據儒林傳乃謂京氏

按傳云費直長於卦筮亡章句徒

以彖象繫辭十篇解說上下經則費氏無章句明矣或

後師爲之而荀勗之徒不別朱紫耳晁公武云凡以彖

象文言等參入卦中皆祖費氏文獻通考亦云彖象文

言雜入卦中自費氏始按魏志

三少帝紀

高貴鄉公問易博

士淳于俊曰孔子作彖象鄭玄作注雖聖賢不同其所

釋經義一也今彖象不與經文相而注連之何也俊對

曰鄭合彖象於經者欲使學者尋省易了也則合彖象

等始自鄭氏

詩正義馬融爲周禮之注欲省學兩讀故具載本文後漢以來始就經爲注未審此

詩傳引經附傳是誰爲之按此蓋鄭本其師

不關費氏孔穎達又謂輔嗣之

意象本釋經宜相附近分爻之象辭各附當爻是漢魏間注費氏本者其分析連綴宋人粗心誤言也隋志云高氏亡於西晉傳云其學亦亡章句專說陰陽災異惟費氏經與古文同

王氏攷證曰釋文引古文如彙作萑翮作偏介作矧枕作沈躑躅作踳踳繻作襦

尚書古文經四十六卷

志云五十七篇者書疏引鄭注云武成逸書建武之際亡班據作志時少一篇故數五十七篇也按律厯志劉歆三統厯引存八十二字此真武成也隋志晉書祕府

所存有古文尚書經文今無有傳者永嘉之亂歐陽大小夏侯尚書並亡至東晉豫章內史梅賾始得安國傳奏之此近世所斥爲僞者計晉中府所藏亦當亡於永嘉時間若據古文疏證曰四十六卷之分鄭以同題者

同卷異題者異卷

如九其九篇同爲第四卷泰誓三篇爲卷二十三

孔則以同

序者同卷異序者異卷其同序者太甲盤庚說命泰誓

泰當爲大如字

皆三篇共序凡十二篇只四卷大禹謨皋陶謨

益稷康誥酒誥梓材亦各三篇其序凡六篇只二卷外四十篇篇各有序凡四十卷故爲四十六卷也然鄭注四十六卷原無武成而以百篇序實爲末卷孔則有武

成一篇篇自爲序已足四十六卷之數故不便以百篇
序爲一卷宜相附近此遷就之詞爾王鳴盛尙書後辨
曰眞書四十六卷僞書亦四十六卷其卷數似合而不
知眞書三十四篇盤庚三篇同卷顧命康王之誥二篇
同卷實二十九卷二十四篇內九共九篇同卷實十六
卷共四十五卷桓譚新論云古文尙書舊有四十五卷
爲五十八篇是也漢藝文志云四十六卷者兼序言之
經二十九卷

書疏云史記秦焚書伏生壁藏之漢定伏生其書得二
十九卷以教按馬融云大誓後得鄭元書論亦云民間

得大誓別錄曰武帝末民有得大誓於壁內者獻之與
博士使讀說之數月皆起傳以教人則秦誓非伏生所
傳又王充論衡及後漢史獻帝建安十四年黃門侍郎
房宏等說云宣帝本始元年河內女子有壞老屋得古
文大誓三篇論衡又云掘地所得按論衡正說篇亦云宣帝時河內女子發
老屋而尚書二十九篇始定今史漢書皆云伏生傳二十九篇則司
馬遷時已得大誓并歸伏生不得云宣帝始出也或者
爾時重得故其後亦據而言之按孔氏自難自解於王
充等所說亦不斥其謬妄蓋唐人多有持此論者故隋
志竟云伏生口傳二十八篇又河內女子得大誓一篇

獻之陸德明則云伏生二十九篇宣帝時河內女子得
大誓一篇獻與伏生所誦合三十篇彼意竟謂以前未
有大誓其二十九篇將兼序數之而史記周本紀所載
不謂之大誓耶比孔氏尤疎舛閤若璩曰武帝建元元
年大誓曰白魚入於王舟有火復於王室流爲烏周公
曰復哉復哉知此篇出於武帝之前決矣

傳四十一篇

隋志鄭注尚書大傳三卷

顧彪音二卷

舊唐志惟云尚書暢

訓三卷伏勝注新唐志題伏勝注大傳三卷又暢訓一

卷按不云鄭氏注而云伏勝注則是未見其書而妄說

也一代史志憤憤如此反不若晁公武陳振孫輩能言
其大略也按鄭君敘云張生歐陽生從伏生學數子各
論所關以己意彌縫其闕別作章句又特撰大義因經
屬指名之曰傳劉子政校書得而上之凡四十一篇至
元始詮次爲八十三篇

今本并略說爲四卷唐志之暢訓殆卽今之略說與

歐陽章句三十一篇 歐陽說義二篇

分出大誓二篇故三十一篇書疏引鄭書贊云歐陽氏
失其本義今疾此蔽冒猶復疑惑未悛則其學亦可知
矣釋文引賈逵說俗儒以鈔重六兩俗儒者歐陽也

賈逵

以大夏侯尚書教授知此俗儒不斥夏侯家

今見於許氏五經異義

詩正義今尚書

歐陽說春日昊天夏曰蒼天秋曰旻天冬曰上天總為
皇天大宗伯疏今尚書歐陽夏侯說六宗者上帝及天
下不及地旁不及四時居中央恍惚無有神助陰陽變
化有益於人故郊祭之月令疏令文尚書歐陽說肝木
也心火也脾土也肺金也腎水也詩正義左傳桓六年
疏並引尚書歐陽說云九族乃異姓有親屬者父族四
五屬之類為一族父子女昆弟適人者與其子為一族
女昆弟適人者與其子為一族己之子適人者與其子
為一族母族三母之父姓為一族母之姓為一族母
女昆弟適人者為一族妻族二妻之父姓為一族妻之
母姓為一族王制疏今尚書歐陽夏侯說中國方五千
里又今尚書夏侯疏今尚書歐陽夏侯說中國方五千
奈何天位在南方就南郊祭之是也又白虎通論皆依
歐陽夏侯三家之說尚書曰虞賓在位不臣丹朱也但
不分別三家無以辨之續漢與服志永平二年初詔有
司乘輿服從歐陽氏說公卿以下從大小夏侯氏說
按五經異義亦有古尚書說儒林傳都尉朝授膠東庸
生劉歆移博士云膠東庸生之道學此西京時
當已有古尚書說以不立學官故棄而不收

大小夏侯章句名二十九卷大小夏侯解故二十九篇

夏侯勝受於夏侯始昌勝傳從兄子建建自師事勝及

歐陽高左右采獲又從五經諸儒問與尚書相出入者

牽引以次章句書疏云夏侯等書嶠夷爲嶠鐵昧谷曰

柳谷

吳志注虞翻譏鄭氏改柳爲昧謂此然鄭實未嘗改柳爲昧周官縫人注書曰分命和仲度西日柳

襲作昧者古文

心腹腎腸曰憂腎陽剗剗云臏宮剗割脰庶

剗按緇衣君奭曰在昔上帝周田觀文王之德注云古

文爲割申勸靈王之德今博士讀爲厥亂勸靈王之德

釋文酒誥馬本作成王若曰注云俗儒以爲成王骨節

始成故曰成王此亦指三家尚書也又隸釋載石經尚

書殘碑五百四十七字洪氏校之石本多十字少二十

一字不同者五十五字借用者八字通用者十一字卽

其異同如此

按章句者經師指括其文敷暢其義以相教授宣二年傳疏服虔載賈逵鄭眾或人

三說解叔特

曰子之馬然也此章句之體類然解故者管子刑法解墨子經說尚書大傳毛詩傳之類解故不

必盡人能爲章句各師其有煩簡不同耳秦恭增師法

至百萬言桓榮受朱普學章句四十萬言榮減爲二十

三萬言子郁復刪省成十二萬言是也通典魏

代或問高堂隆曰昔受訓云馮君八萬言章句

劉向五行傳記十一卷

隋志伏生之傳惟劉向父子所著五行是其本法而又

多乖戾其卷數與此同後書郎顗奏便宜四事尙書洪

範記曰月行中道移節應期德厚受福重華留之

許商五行傳記一篇

儒林傳許商善爲算著五行論厯疑與劉向說災異者

不同

溝洫志丞相御史白博士許商治尙書善爲算能度功用

周書七十一篇

隋志周書十卷云汲冢書者非也以爲仲尼刪書之餘

者是

舊唐志題周書八卷新唐志題汲冢周書十卷亦承隋志之誤

按宋晁公武李燾

等並云存者七十篇才缺其一顏師古乃云存者四十

五篇彼特未見全書而妄說王氏攷證曰鄭康成注周

禮儀禮引王會許叔重說文亦引逸周書馬融論語引

周書月令

集解馬融曰周書月令有更火云云今此篇亡召誥正義亦引月令云三日粵朏

杜

預注左傳轡之柔矣謂逸詩見周書

按見太
子晉解

而狼曠所

稱周志勇則害上不登於明堂其語今見篇中

按見大
匡篇

千里百縣縣有四郡引以為上大夫受縣注

見作
維解

呂氏

春秋引民善之則畜也不善則讎也楚世家欲起無先

蘇秦絲絲不絕蔓蔓奈何

和篇
解

蒙恬傳引必參而五之

蕭何天子不取反受其咎主父偃安危在出令存亡在

所用

王佩
解

谷永記功忘過宜為君王商傳以左道事君

者誅楊賜引天子見怪則修德說苑引前車覆後車戒

墨子引國無三年之食非其國淮南子引掩雉不得更

順其風上言者常下言者權戰國策引魏任章將欲敗

之必姑輔之將欲取之必姑與之貨殖傳引農不出則
乏食工不出則乏事商不出則三寶絕今文有無其語
者豈在逸篇乎

議奏四十二篇

儒林傳石渠論書者林尊歐陽地餘周堪張山拊假倉
等堪經爲最高

凡百篇而爲之序

論衡正說篇孝景帝時魯共王壞孔子教授堂以爲殿
得百篇尙書於牆壁中按此言所得者乃孔子百篇之
書爾曰所得不必有百篇之數也注言問神篇昔之說

書序以百書疏鄭作書論依尙書緯云孔子求書得黃
帝玄孫帝魁之書迄于秦穆公凡三千二百四十篇斷
遠取近定可以爲世法者百二十篇以百二篇爲尙書
十八篇爲中侯去三千一百二十篇

白虎通同
亦本緯

儒林傳

復云百兩篇則班氏亦未能定也史記孔子世家追述
三代之禮序書傳上紀唐虞之際下至秦繆編次其事
與班意並以爲孔子作序也按序由史官非孔子作也
周官外史掌三皇五帝之書掌達書名四方注云謂若
堯典禹貢達此名使知之鄭意旣然又推七十一篇之
書孔子所刪亦有序則當日史官皆序其指各以時代

編聯相附猶今之目錄耳

法言惜乎書序之不如易也易可數也如書序雖孔子亦

未如之何雄意以爲非孔子作但仍周史之舊

伏生今文失其序故盤庚三篇

合爲一康王之誥合於顧命壁中古人出始據序以定篇故史遷詒以爲祕寶采入三代本紀則真古志也以爲孔子作者書爲孔子刪定容得歸衷於孔子孔子歿七十子之徒與孔氏之裔謹守不墜承聖師者何敢措辭外人亦何能竄入而宋人之序爲周秦閒所作輕肆誣毀非矣

出孔子壁中

孔叢獨治篇陳餘謂子魚曰秦將滅先王之籍而子爲

之籍之主其危矣子魚曰吾將先藏之家語序云孔騰
子襄子襄卽子魚弟容得同計也隋志與釋文並作孔
惠按孔光傳敘世系無其人如云惠順義通爲孔順又
不當秦時

東觀記尹敏傳云孔
鮒所藏與孔叢同

武帝末

本傳魯恭王以孝景前三年徙王魯

前二
年立

好治宮室季

年好音二十八年薨

表云元朔元
年安王光嗣

就令季年有此事亦

在武帝建元元光間何得言武帝末論衡作孝景時是
也

及禮記論語

記字衍

得多十六篇

舜典一汨作二九共九篇三大禹謨四弃稷五子之歌六胤征七湯誥八咸有一德九典寶十伊訓十一肆命十二厚命十三武成十四旅獒十五畢命十六九共九篇出八篇故又爲二十四篇然鄭注說命云亡而書傳復有說命蓋鄭氏以其說高宗居喪之事而分卽八十三篇古文本無說命

安國獻之道巫蠱事未立於學官

今僞孔序亦有此語宋彝尊曰司馬遷與都尉朝同受

書於安國者也世家稱安國早卒自序則云子述黃帝
以來至太初而訖是安國卒在太初前若巫蠱事乃征
和二年距安國歿久矣藝文志古文尙書遭巫蠱云之
者乃史追述古文所以不立學之故耳而僞序云云竟
出安國口中不亦刺謬甚乎愚按劉歆移書博士與此
志所說同蓋安國既歿其家獻之荀悅記可證也但云
安國獻之傳說小誤耳然不列學官自緣俗儒專己妒
能排擯古學如毛詩左傳古禮皆不得立若適遭巫蠱
後此宣帝右文之世胡爲永歇耶至王充所云武帝取
之祕於中外不得見又非也儒林傳庸生胡常徐敖塗

惲桑欽等皆古文之眞傳王莽又立學官外人奚爲不
得見耶光武中興一切反王莽之爲古文旣非祿利之
途非高才好古者莫之習亦莫之授王充蛙黷之微自
不聞師說輒造妄談以惑後人至僞古文行而孔穎達
等於漢世習古文者一槩抹殺指爲張霸之僞其禍原
於充也

酒誥脫簡一 召誥脫簡二

法言云酒誥之篇俄空焉吳祕注空缺也謂此王氏攷
生大傳酒誥曰王曰封唯曰若圭璧其脫簡之文歟按
志以爲今文脫簡伏生所引自是別說王氏說非也
率簡二十五字者脫亦二十五字簡二十二字者脫亦二

十二字

左傳序疏云單執一札謂之爲簡連編諸簡乃名曰策
鄭注論語序以鉤命決云春秋二尺四寸書之孝經一
尺二寸書之故知六經之策皆長二尺四寸按後書周
磐傳編二尺四寸簡寫堯典東哲穆天子傳序以古
尺度其簡二尺四寸然則中外寫經同用二尺八寸之簡故以中簡校外簡知
其所脫爲一爲二也然書名疎密不同鄭注尙書係三
十字服虔注云左傳自篆書一簡八字是也雖有疎密
要以祖本相傳寫不敢妄有增損故劉向校中書之簡
外簡脫字二十五脫字二十二字數多少相符可知數

定也至下文之脫字數十則逐簡所遺之字而乘之

文字異者七百有餘

後書杜林於西州得漆書古文尙書一卷又劉陶推三

家尙書及古文是正文字三百餘事名曰中文尙書王氏

攷證曰以古文攷之如國語羸內史記放勛中鬬伯
會絲周禮注敝乃獲漢書大令禹蒜南僞揖五瑞琳遷
傳納棗木洧河厥棗惟留盟豬夏狄瑤墳內憂服服田
力耆思曰瘠畏用六極說文息苦絲平歸東作剛而泰
五品不慈瘠眈滄距川若丹朱寡寡三苗鳥獸羣毫達
以記草木薪苞芻否譎告惟箇輅枯龔山離州母野相
時思民若顛木之有曹枿我興受其退西伯錢邕使百
工賃求得之傳巖至於嬀婦上不蕃於凶德我之不辟
無有作攷曰圍曰貞曰紉夏氏之民叨靈有疾不念焯
見三有俊心在受德恣王三宿三祭三託柴誓詔詔猗
無他技大命不貳一人冕執銳惟緇有稽惟敷丹腹截
截善諷言環火船麻旁迷屏功教育子皆與古文合欽

漢書疏證卷二十四

主

韓按許慎受學於賈逵其引古文尙書宜可信然如
蘇等字猶恐後人竄入古文不應有也至王氏所据古
文尙書尸晁公武所云皇朝呂大防得本於宋次道王
仲至家較陸德明釋文小有異同者也此是東晉偽古
文經唐明皇所刊落改爲今字豈是壁中舊物而據之
乎其偶與史漢說文合或好事者轉取古書作引以爲
比附并非唐以前舊本欲憑之以攷證古文多見其拙
已至石經殘碑漢之今文轉是真者而古文竟無一字
可欺也

古文讀應爾雅

大戴小辨篇爾雅以觀於古足以辨言矣後書賈逵傳

逵數爲帝言古文尙書與經傳爾雅詁訓相應詔今撰

歐陽大小夏侯尙書古文同異逵集爲三卷

詩載驅箋古文尙書

以弟爲圍圍明也疏云洪範稽疑論卜兆有五曰圍蓋
古文作悌今古作圍賈逵以今文校之定以爲圍故鄭

依賈氏所奏從爲圖於古文則爲悌按宋微子世家洪範正作悌蓋訛悌爲涕耳此古文之一毛也

詩經二十八卷齊魯韓三家

儒林傳諸齊以詩顯貴皆轅固之弟子釋文據後書轅固生作詩傳號齊詩傳夏侯始昌始昌授后蒼蒼乃齊詩再傳弟子應劭云后蒼作齊詩謬矣文賦注春秋演

孔子圖曰詩含五際六情絕於申宋均曰申申公也隋

志齊詩魏代已亡魯詩亡於西晉

石經殘碑有魯詩百七十三字郭璞爾雅

注引魯詩陽如之何璞不應耳食則魯詩亡於永嘉後

韓詩雖存無傳之者

放證云見

氏曰齊魯韓三家以關雎葛覃卷耳鵲巢采芣采蘋虞鹿鳴四牡皇皇者華之類皆以爲康王詩王風爲魯詩鼓鍾爲昭王詩異同不可悉舉賈誼以騶虞爲天子之囿以木瓜爲下之報上劉向以衛宣夫人作邶柏舟

黎莊公夫人作式微陳婦道蔡人之妻作采芣之類皆
三家之說也揚雄曰周康之時頌聲作乎下闕雖作乎
上習治也與毛詩大不類如此則其序必不同也今所
略見者韓詩之序曰苜蓿傷夫也漢廣悅人也汝墳辭
家也蟻螭刺奔女也韓詩序又云黍離伯封作也賓之
初筵衛武公飲酒悔過也又謂商頌美宋襄公田學紀
聞元城謂韓詩有兩無極篇序云兩無極正大夫刺幽
王也篇首多兩無極傷我稼穡入字按若韓詩有此詩
疏當引之蓋偽託之也又郊特牲引詩云爲下國暇郵
疏云所引者齊魯韓詩也郵謂民之郵舍言成湯施布
仁政爲下國諸侯在暇
民之處所使不離散

魯故二十五卷

儒林傳申公獨以詩經爲訓故以教亡傳疑者則闕弗
傳續漢輿服志注魯訓曰和設軾者也鸞設衡者也白
虎通辟雍章引詩訓曰水圓如璧

士昏禮注詩云素衣朱綃魯詩以綃爲綺

屬

魯說二十八卷

儒林傳魯詩有韋氏學隸釋武榮碑治魯詩韋君章句

則魯說殆韋氏學歟何休公羊

隱五年

傳注引魯詩傳曰

天子食日舉樂諸侯不釋縣大夫士曰琴瑟

白虎通詩傳曰大夫

士琴瑟蓋白虎觀議論以魯詩為定也魏應習魯詩白虎觀論五經同異使應專掌難問詩何人斯疏鄭異義駁之詩說鄭伯使卒及行所出皆謂詛耳小於盟也但云詩說者皆魯詩說郊特牲疏五經

異義云謹按治魯詩丞相韋玄成等說引外傳云云詩

生民疏異義引齊魯韓三家說聖人皆無父感天而生

周官鍾師疏異義今詩韓魯說騶虞天子掌鳥獸官

後漢

書注魯詩傳曰詩烈祖疏異義詩魯說丞相匡衡以爲

殷中宗周成宣王皆以時毀按匡衡在韋氏後治齊詩非魯詩也疑誤白虎

通諫諍篇妻得諫夫者夫婦一體榮辱其之詩云相鼠

有體人而無禮此妻諫夫之詩也此亦魯詩說矣其劉

向之書所說亦魯詩也

齊后氏故二十卷

后蒼授翼奉蕭望之匡衡

孫氏傳二十八卷

儒林傳無其人

齊雜記十八卷

郊特牲疏異義引匡衡說支庶不敢薦其禮下土諸侯
不得專祖於王後書伏黯以明齊詩改定章句作解說
九篇子恭以章句繁多省減浮詞定爲
二十萬言按匡衡授郎邪伏理理以詩授成帝別自名
學卽黯之父解頤新語引齊詩章句騶虞爲天子掌鳥
官

韓故三十六卷

傳云淮南賁生受之後有王食長孫之學後書薛漢世
習韓詩以章句著名弟子杜撫定韓詩章句其所作詩
題約義通學者傳之曰杜君注云隋志韓詩二十二卷
薛氏章句按章懷注後書李善注文選引其說尤多或
稱薛君薛夫子蓋杜撫尊其師說卽杜撫所注世罕知

其出於擬矣

隋志又有韓詩翼要十卷漢侯苞撰新舊唐志並題爲卜商撰外謬可笑因舉紀聞

董氏舉侯苞言衛武公作抑詩使人日誦於其側按苞言亦本楚語

韓內傳四卷

白虎通爵篇韓詩內傳曰諸侯世子三年喪畢上受爵

命於天子誅伐篇韓詩內傳曰孔子爲魯司寇先誅少

正卯又不臣篇韓詩內傳曰師臣者帝友臣者王臣臣

者霸魯臣者亡

校者云魯當與虜同

通典吉禮韓詩內傳禘所毀

廟之主皆升合食於太廟又何休公羊注多引之

周禮玉府

職注引詩傳曰侯王上有蔥衡下有雙璚衡牙璚珠以納其間疏謂是韓詩也

韓外傳六卷

隋志韓詩外傳十卷今見行卷次同或後人合內外傳
爲一也今按其書多奄取荀卿書與賈子說苑戴德記
相出入其首卷第三章云孔子南遊適楚至於阿谷之
隧有處子佩瑱而浣孔子抽觴抽琴 絺綌五兩以授
子貢曰善爲之辭以觀其語是真以孔子爲秋胡輕薄
之流也此而不能決擇何名通儒仲長統所謂百家雜
碎請用從火者也

董斯張曰世所傳亦非全書文選注
藝文類聚御覽等書所引今本皆無

韓說四十一卷

異義今韓詩說一升曰爵爵蓋也尼也二升曰觚觚寡

也飲當寡少三升曰解解適也飲當自適也四升曰角
角觸也飲不能自適觸罪過也五升曰散散訕也飲不
能自節爲人所謗訕也總名曰爵其實曰觴觴者餉也
觥亦五升所以罰不敬觥廓也所以著明之貌君子有
過廓然明著非所以餉不得名觴

詩卷耳疏禮器疏並引之

又王制

疏異義韓詩說與易孟氏同

前見

又隱元年傳疏異義韓

詩說八尺爲板五板爲堵一堵爲雉

詩鴻雁疏作五堵爲雉

板廣

二尺積高五板爲一丈五堵爲雉雉長四丈詩靈臺疏

異義韓詩說辟雍者天子之學圓如璧壅之以水示圉
言辟取辟有德不言辟水言辟雍者取其雍和也所以

教天下春射秋饗尊事三老五更在南方七里之內立
明堂於中五經之文所藏處蓋以茅葦取其潔清也又
詩卷耳疏異義韓詩說金罍大夫器也天子以玉諸侯
大夫皆以金士以梓詩簡兮疏異義萬舞韓詩說以夷
狄大鳥羽

毛詩二十九卷

鄭箋孔子論詩其義與眾篇之義合編至毛公爲詁訓
傳乃分眾篇之義各置於其篇端又十月之交箋當爲
刺厲王作詁訓傳時移其篇第因改之耳說文序稱引
詩則毛詩今本按之又與彼不同按三家詩無都人士

一編而毛詩有之與襄十四年傳合此左氏毛詩所以
同名古學也

毛詩故訓傳三十卷

隋志二十卷題河間太守毛萇撰按後書儒林傳云趙
人毛萇傳詩故隋志以爲詁訓傳萇作也經典序錄云
大毛公爲詩詁訓傳於家以授趙人小毛公初學記乃
云大毛公名亨班敘儒林惟一毛公甚爲疎略不如後
來者所據

附
毛詩說

詩千旄疏異義毛詩說天子至大夫同駕四士駕二詩

云四驪彭彭武王所乘龍旂承祀六轡耳耳魯僖所乘
闕宮疏古詩毛詠以龍旂承祀爲郊祀四牡駢駢周道倭遲大夫所乘又

靈臺疏異義毛詩說靈臺不足以監視靈者精也神之
精明稱靈又卷耳疏異義疊制毛詩說金疊酒器也諸

臣之所酢人君以黃金飾大一碩金飾龜曰蓋刻爲雲

雷之象

說文解字與異義同司尊彝疏引異義作古廷說古廷詩蓋卽古毛詩說其人當考又簡

兮疏異義詩毛說萬以翟羽又駟鐵疏異義毛說在軾
曰和在鑣曰鸞曲禮疏異義毛詩說盟牲君以豕臣以
犬民以雞按後書儒林傳九江謝曼卿善毛詩乃爲其
訓則毛詩說是謝曼卿也衛宏從曼卿受學乃西京人

劉歆移書太常云民間有趙國貫公之遺學亦爲毛詩者蓋毛詩不立學官其詩說又不尙祕府故此志遺之章帝令賈逵撰齊魯韓詩與毛氏同異此時已顯矣班氏何但舉七略目錄也

古有采詩之官

王制命太師陳詩以觀民風注云陳詩謂采其詩而視之古文苑劉歆與揚雄書曰詔問三代周秦軒車使者以歲八月巡路求代語僮謠歌戲欲得其最曰雄答書曰常聞先代輶軒之使奏籍之書皆藏於周秦之室公羊十五年傳注男女有所怨恨相從而歌饑者歌其食勞者歌其事男年六十女年五十無子者官衣食之使之

民間求詩鄉移於邑邑說文丌部近古之遵人以木鐸
移於國國以聞於天子記詩言讀與記同

凡三百五篇

詩疏漢世毛學不行三家不見詩序不知六篇亡失謂
其惟有三百五篇又由儀箋云燕禮下管新宮新宮亦
詩篇名辭義皆亡無以知其篇第之處疏云孔子錄而
不得子夏不爲之序也左傳昭二十五年宋公享昭子
賦新宮至孔定詩三十餘年其閒亡之也按如此志則
班氏亦未見毛詩傳者也

遭秦而全

南陔箋云笙詩遭戰國及秦之詩而亡之劉歆移詩云
詩先師起於建元之間當此之時一人不能獨盡其經
或爲雅或爲頌相合而成則亦幸而幾於全耳

或取春秋采雜說

如鹿鳴關雎等爲刺詩列女傳以周南爲大夫之妻作

魯韓柏舟爲衛宣夫人所作式微爲黎傅母閔莊公夫

人作碩人爲傅母諷衛莊姜作燕燕爲定姜作鄭坊記注同是

魯韓大車啍啍爲息夫人作墓門有梅爲陳辯女作新

序以黍離爲衛公子壽作御覽四百六十九韓詩曰黍

離伯封作也

陳思王植惡鳥論尹吉甫殺孝子鄭注士伯奇其伯封求而不得作黍離

虞經云出宿於沛飲餞於禰爲餞尸坊記采葑采菲疏
云鄭未見毛詩不知夫婦相怨謂交友相與宋世家贊
以爲正考父美宋襄公作商頌索隱云商家祭祀樂章非考父追作也考父佐
戴武宣在襄公前且百年斯謬說耳匈奴傳以出車爲周襄王時作班固傳
宣王時作趙岐孟子注以鴟鴞爲刺邠君不如此鳥小
弁爲伯奇之詩文選注引韓詩芣苢傷夫惡疾漢有游
女爲鄭交甫遇神女國學紀聞袁孝政釋劉子魏武公信譏詩爲青蠅此三家
不得詩本義旁取春秋雜說者也

禮古經五十六卷

曲禮疏六藝論云孔子壁中古文禮凡五十六篇其十

七篇與高堂生所傳同而字多異其十七篇外則逸禮是也土冠經疏十七篇是今文也五十六篇其字皆以篆書是爲古文鄭注禮之時以今古二字並之或從古文或從今文若二字俱合義者則互換見之古文祕禁中絕無師說按平帝紀元始五年徵天下通知逸經王莽傳云通知逸禮意者徵詣公車則彼時已爲絕學可驗也又禮記鄭目錄云奔喪投壺實曲禮之正篇漢興後得古文而禮家又貪其說因合於禮記耳疏云奔喪禮十七篇外既謂之逸鄭注引逸奔喪禮但此奔喪禮對十七篇爲逸禮內錄入於記其不入於記者又比此爲逸也二逸不同實祇是一篇按大戴記復有諸侯遷廟諸侯毀廟公冠三

篇亦是經文而戴入記中如鄭所說也又推檢傳注尙有逸經篇名遺句如曲禮下注覲禮今存朝宗遇禮今亡聘禮今存遇會誓盟禮亡此本不在五十六篇之數也月令注引中霤禮祀戶之禮南面設主於戶內之西乃制脾及腎爲俎奠於主北又設盛於俎西祭黍稷祭肉祭醴皆三祭肉脾一腎旣祭徹之更陳鼎俎設饌於筵前迎戶

疏云中霤禮文祭戶祭中霤在於廟室之中若祀竈祀門祀行皆在廟門外此謂殷禮若周則加七祀不審祀之

祀竈之禮先席於門之奧東面

設主於竈墀乃制肺及心肝爲俎奠於主西又設盛於俎南亦祭黍三祭肺心肝各一祭醴二亦旣祭徹之更

陳鼎俎設饌於筵前迎尸如祀戶之禮

疏云逸中霽祀禮文下同

中霽之禮設主於牖下乃制心及肺肝為俎其祭肉心

肺肝各一他皆如祀戶之禮周禮司巫注中霽禮曰以

功布為道布屬於凡祀門之禮北面設主於門左樞乃

制肝及肺心為俎奠於主南又設盛於東俎其他皆如

祭竈之禮祀行之禮北面設主於載上乃制腎及脾為

俎奠於主南又設盛於俎東祭肉腎一脾再其他皆如

祀門之禮又有王居明堂禮

月令注引云出十五里迎歲蓋殷禮也疏云逸禮之

篇名又引云帶以弓韞禮之謀下其子必得天材又引

云季春出疫於郊以禳春氣又云毋宿於國又云仲秋

農隙民畢入於室曰時殺將至毋罹其災又云季秋除

道致梁以利農也又云孟冬之月命農畢積聚繫收牛

馬又云季冬命國為酒以合三族君子說小人樂
又禮器注引云仲秋乃命國釅蔡邕論亦引之 又有

禘於太廟禮通典禘於太廟禮毀廟之主皆升合食而

禮日用丁亥若不得丁則用己亥辛亥苟有亥焉可也

王制疏王肅論引禘於太廟逸禮其昭尸穆尸其祝辭

續稱孝子孝孫禮運疏逸禮云毀廟之主昭其一牢穆

皆升合於其祖

其一牢有烝嘗禮射人注烝嘗之禮有射朝貢禮聘禮

純四只制又天子巡狩禮內宰注引制幣又學禮賈子

保傳篇又通典引逸禮本命篇太古男五十而娶女三

十而嫁中古男三十而室女二十而嫁按今大戴記本

命篇有之疑通典誤指也初學記逸禮曰天子龜尺二

寸諸侯八寸大夫六寸士民四寸又月令注云大飲之

禮亡職喪注云國之喪禮喪服士喪既夕士虞今存者

其餘則亡疏其時有天子諸侯卿大夫及卒哭通典凶

虞喜釋滯云降殺之禮始於周然先所未臣不忍即臣

之故為之服也此當出逸禮禮記曲禮曰毋不敬疏云既云曲禮曰是儀禮正經

今不見者散亡也

經七十篇

此節今十七篇誤倒劉氏已儀禮疏引鄭目錄云士冠訂其誤

禮昏禮士相見禮三篇大小戴及別錄皆第五鄉飲

禮大戴第十小戴別錄第四鄉射禮大戴十一小戴別

錄第五燕禮大戴第十二小戴第六大射儀大戴第十

三小戴別錄第七聘禮大戴第十四小戴第十五別錄
第八公食大夫禮大戴第十五小戴第十六別錄第九
覲禮大戴第十六小戴第十七別錄第十喪服大戴第
十七小戴第九別錄第十一士喪禮大戴第四小戴第
八別錄第十二既夕禮大戴第五刪小戴第十四別錄
名士喪禮下篇第十三士虞禮大戴第六小戴第十五
別錄第四特性饋食禮缺少牢饋食禮大戴第八小戴
第十一別錄第十六有司徹大戴第九小戴第十二別
錄少牢下篇第十七夏采注士冠禮及玉藻冠綏之字
故書亦多作綏者今禮家定作綦又巾車職鄭司農云

士喪禮下篇曰馬纓三就禮家說曰纓當曾以削革爲之
三就三重三匝也禮家者卽此后戴二氏也

記百三十一篇

此禮記所始隋志河間獻王又得仲尼弟子及及字後

學者所記一百三十一篇獻之時亦無傳之者至劉向

考校經籍檢得一百三十篇

按此志見云三十一篇別錄胡爲少其一非也向

因第而敘之而又得明堂陰陽記三十三篇孔子三朝

記七篇王史氏記二十一篇凡五種合二百十四篇戴

德刪其煩重合而記之爲八十五篇謂之大戴記而戴

聖又刪大戴之書爲四十六篇謂之小戴記

按此俗說不知隋志

何所本劉向校書在成帝時戴德戴聖論石渠在宣帝末年只可二戴自刪劉向自合不可云二戴承劉向之本又大戴書而刪之現行大戴記與禮記重複甚多則不取大戴明矣序錄引陳邵周禮論序云戴德刪古禮二百四篇爲八十五篇者是也馬融足月令明堂位樂記合爲四十九篇按孔氏樂記疏云別錄禮記四十九篇樂記第十九則樂記入禮記也序錄亦云有云十九篇篇次與今禮記同按鄭于喪服四制目錄云此於別錄舊說屬喪服正義云按別錄無喪服四制之文惟舊說此篇屬喪服然則是則四十九篇劉向已別尙少其一未知當入何篇也是則四十九篇劉向已著錄何云後人增益平儒林傳小戴授梁人橋仁後書橋元傳之七世祖仁著禮記章句四十九篇又曹褒傳褒受慶氏禮又傳禮記四十九篇是慶普戴聖並有四

十九篇禮記也今攷逸篇除三朝記等已見大戴記者

不著有

三正

記

白虎通

禮三正

記曰

王者

二社

為天下

天下

報功

王社

為京師

報功

太社

尊於王

社又

曰天子

龜長

一尺二寸

也天子

著長

九尺

諸侯

七尺

大夫

八寸

士六寸

龜陰

數偶

著陽數

記之

學則

父子

有親

長幼

有序

有親

屬記

白虎通

禮別

名記曰

先生

稱兄

後生

稱弟

女有

別名

記

白虎通

禮別

名記曰

子先生

司馬

順天

又曰

五人

曰

茂十

人曰

選百

人曰

俊千

人曰

英倍

英曰

賢萬

人曰

傑倍

傑曰

聖公

羊成

八年

疏辨

名

記云

天子

無爵

而言

天子

為爵

稱者

爵者

醺也

所以

醺

又月

令孟

夏疏

引蔡

氏辨

名記

左傳

宣十

五年

疏亦

作

辨名

記古

辨別

聲同

月令

疏以

為蔡

氏非

也蓋

蔡氏

亦

引是

文耳

王氏

攷證

誤

有王

度記

戶為

里里

一尹

其祿

如庶人在官者疏云按別錄王度記似齊宣王消于髡
等所說按詩正義引異義王度記曰天子駕六諸侯與
卿同駕四大夫駕三士駕二庶人駕一鄭駁云王度記
云天子駕六者自是漢法與古異則鄭以王度記爲漢
作疑卽漢文帝使博士所作而盧植誤指王制王制疏
鄭駁異義云王制是孔子之後大賢所記先王之制又
鄭答臨碩云孟子當覲王之際王制之作復在後二說
雖殊並不以爲漢文時所作白虎通禮王度記曰子男
三卿一卿命於天子按鄭注王制疑小國二卿皆命於
其君文似脫誤云小國亦三卿一卿命於天子二卿命
於其君蓋據此也又曰反之以決又曰天子嚮諸侯薰
大夫芑蘭士薰庶人艾按周禮鬱人疏引作天子以嚮
諸侯以薰大夫以蘭有王霸記曰四面削其地云云王
芝士以蕭庶人以艾有王霸記曰四面削其地云云王
氏攷證云有瑞命記文選注禮運記白虎通禮運記曰
性也此未可信也白虎通又有禮記諡法云德象天地稱
王禮保傅當卽賈子大公羊文二年注引禮士虞記桑

主不文吉主皆刻而謚之今士虞記無此文襄十六年注引禮記玉藻疏以爲玉

藻無此文此或名同而文異者也蔡邕明堂論並引禮記詳

在下

明堂陰陽三十三篇

鄭目錄云月令明堂位二篇于別錄屬明堂陰陽明堂

位疏按異義今戴禮說盛德記曰明堂者自古有之凡

九室室四戶八牖共三十六戶七十二牖以茅蓋屋上

圓下方所以朝諸侯其外有水名曰辟雍今大戴記分爲二隋牛弘

傳引作禮記盛德篇明堂月令說明明堂高三丈東西九仞南北七

筵上圓下方四堂十二室鄭駁曰字誤本書云九堂十二室室四戶八

牖其宮方三百步在近郊三十里

以上明堂月令鄭注月令引之又牛五傳

引蔡邕明堂月令章句卽此

續漢祭祀志劉昭注引蔡邕明堂論禮

記古文明堂之禮曰膳夫是相禮日中出南闕見九侯

門子曰側出西闕視五國之事日闇出北闕視帝節猶

字疑誤

又禮記太學志曰禮士大夫學於聖人善人祭於

明堂其無位者祭於太學又禮昭穆篇曰祀先賢於西

學所以教諸侯之德也卽所以顯行國禮之處也太學

明堂之東序也皆在明堂辟雍之內又月令記曰明堂

者所以明天地統萬物明堂上統於天象日辰故下十

二宮象日辰也水環四周言王者動作發天地德廣及

四海方此水也通典吉禮記明堂陰陽錄水行左旋以

象天水廣二十四丈御覽五百三十三禮記明堂陰陽錄曰明堂陰陽王者之所以應天

也內有太室象紫宮南出明堂象太微西出總章象五

其功王者承天統物亦於其方以聽國隋書宇文愷傳

事按二書所引皆孫禮記並正文也

明堂議引周書明堂曰堂方百一十二尺高四尺階博

六尺三寸室居內字方百尺室內方六十尺戶高八

尺博四尺今本明堂又御覽五百三十三周書明堂曰

上如字東應門南廟門西皋門北雉門東方曰青陽南

文體引方曰明堂西方曰總章北方曰玄堂中央曰太廟以左

為左个右為右个也周書五十三有月令篇此則明堂

月令並出於古周書所載卽禮家之祖矣今按月令有

三一是周公所作牛弘云蔡邕王肅云周書內有月令

第五十三卽此也

馬融論語注引之在集解

一是呂不韋所述鄭目

錄云本呂氏春秋十二月祀之首章以禮家好事鈔合

之後人因言周公所作

牛弘云東晉以爲夏時之書劉瓛云不韋鳩集儒者尋於聖王

月令之事而記之不韋安能獨爲此書今案不得全一稱周書亦未可卽爲秦典其內雜有虞夏殷周之法一

是漢所行月令則鄭注月令引今月令其文稍異說文

明堂月令曰腐草爲蠋呂氏春秋作腐草化爲蜎祭法

注引明堂月令其辭又大同三代文質之政粗具於此

他若管子幼官四時淮南時則諸篇又其支流派別也

後書儒林傳景鸞作月令章句又州置月令師立春日
尙書郎讀令下寬大詔書皆奉月令行事西京丞相魏
相表采易陰陽及
明堂月令奏之

王史氏二十一篇

廣韻王史複姓漢有新豐令王史者

曲臺后蒼九篇

儒林傳倉說禮數萬言號曰后氏曲臺記文選注六七

略曰宣皇帝時行射禮博士后蒼爲之辭至今記之曰

曲臺之記因學紀聞云大戴公冠有孝昭帝冠詞其曲

臺記歟按蒼在宣帝時昭帝冠自是漢儀

通典漢改皇
帝冠加元服

惠帝加元服用正月甲子若丙子爲
吉宋書禮志漢惠帝冠以三月也
與倉何事王氏非

也

中庸說二篇

鄭目錄云孔子之孫子思伋作之以昭明聖祖之德此於別錄屬通論按孔叢居衛篇子思選中庸之書四十九篇疑彼說妄也云中庸說者鄭注仲尼祖述以下以春秋之義說孔子之德鄭當有所本蓋此說也隋志有戴禺中庸傳梁武帝中庸講疏則自來中庸有說也

明堂陰陽說五篇

明堂位正義引異義講學大夫淳于登說云明堂在國之陽丙己之地三里之外七里之內而祀之就陽位上

圓下方八窗四闔布政之宮故稱明堂明堂盛貌周公

祀文王於明堂以配上帝上帝五精之神太微之庭中

有五帝坐位蓋此類明堂說也

講學大夫在王莽時明堂平帝時立御覽

五百三十三

禮記外傳曰黃帝享百神於明廷唐虞為五府

夏位太廟為世室殷人位路寢為重屋周人位五府為

明堂夏后氏一堂之上為五室

木室東北火室東南金室西南水室西北土室

中南面三階

三面兩階則九階矣

云云按外傳無攷其注與攷工

記注同隋書牛弘議云馬宮蔡邕等所見當時有古大

明堂禮王居明堂禮明堂圖明堂大圖明堂陰陽太山

通義魏文侯孝經傳等並說古明堂之事其書皆亡莫

得而正

周官經六篇

隋志漢時有李氏得周官上於河閒獻王獨闕冬官一篇獻王購以千金不得遂取考工記以補其處合成六篇奏之賈公彥序周禮廢興云周官孝武之時始祕而不傳周禮後出者以其始皇特惡之故也是以馬融傳云孝武帝始除挾書之律開獻書之路除挾書律不始孝武博學如融猶造既出於山巖屋壁復入於祕府五家之儒禮記目六藝論云傳禮者十三家惟高堂生及五傳弟子戴德戴聖名在也戴氏云則高堂生蕭奮孟卿后倉及戴德戴聖爲五也融云五家之儒蓋同之莫得而見焉至孝成皇帝達才通人

劉向子歆校理祕書始得列序著於錄略然亡其冬官

一篇以考工記足之如融言則以為亡於既得之後禮

記目錄正義引六藝論云得其六篇與馬同按明堂位

周官三百鄭注云周時三百六十官此云三百者記時

冬官已亡論衡佚文云魯恭王得禮三百即謂周官隋志言先亡者是也頁

亦云六攷證曰齊文惠太子鎮雍州有發楚王冢獲竹

簡書青絲編簡廣數分長二尺有得十餘簡以示王僧

虔僧虔曰是科斗書考工記按見南齊書然則攷工記

亦先秦書謂之漢博士作誤矣禮器疏漢孝文帝時求

乃使博士作攷工記補之厚齋以為誤者是也周官之出亦非孝文世

周官傳四篇

此當在劉歆置博士前或班氏於後附益歆賈疏引馬融云劉歆獨識知其周公致公太平之迹柰遭天下倉卒兵革並起疾疫喪荒弟子死喪徙南里人河南綏氏

杜子春尚在

隋志無里人二字是也綏氏下衍及字非

永平之初年且九十

家於南山能通其讀

按鄭注有故書作某字書或爲某字杜子春讀爲某子賈疏云劉向

未校之前或在山巖石室有古文攷校後爲今文頗識古今不同鄭氏據今文注今按說文所引又不同

其說鄭眾賈逵往受業焉則先前未有傳者應爲劉歆

所傳矣五經異義引古周禮說見於注疏通典者

曲禮疏古

周禮說士尸肆諸市大夫肆諸朝又古周禮說天子無爵同號於天何爵之有王制疏引古周禮說與宗伯文

同又古周禮說與鄉大夫文同禮器疏古周禮說與攷
工記梓人丈同又古周禮說顓頊氏有子曰黎爲祝融
祀以爲竈神明堂位疏古周禮說與攷工記匠人文同
詩鴻雁疏周禮說雉高丈一長二丈周禮調人疏古周
禮說復讎可盡五世之內五世之外施之於已則無義
施之於彼則無罪所復者謂殺者之身乃在彼殺者子
孫可盡五世得復之梓人疏古周禮說亦與韓詩同其
北堂書鈔御覽等引五經異義亦有古周禮說茲不具
許氏多從周禮說蓋賈逵所說

軍禮司馬法百五十五篇

博物志云周公所作是其始耳史記齊威王使大夫追
論古者司馬兵法而附穰苴於其中因號司馬兵法隋
志云亦河閒獻王所上今存五篇前仁本天子之義應
爲古義後三篇與孫吳之旨不殊矣文選注五十引司

馬兵法火攻有五

按定爵篇一曰人二曰正三曰辭四曰巧五曰火六曰水七曰兵疑此句

涉彼而誤

又云善守者藏於九地之下善攻者動於九天之

上並孫子語則其出於戰國可知也今傳注所引者中

庸注素讀如攻城攻其所徠

正義云司馬法馬法文

卿師注司馬法

曰夏后氏謂輦曰余車殷曰胡奴車周曰輜輦輦一斧

一斤一鑿一榿一鋤周輦加二板二築又曰夏后氏二

十人而輦殷十八人而輦周十五人而輦鼓人注司馬

法曰昏鼓四通爲大鑿夜半三通爲晨戒旦明五通爲

發昬大司馬注司馬法曰鼓聲不過閭輦聲不過闕鐸

聲不過琅

按此皆言其聲闕同鐸闕同輦琅者琅琅然也

又司馬法曰上下下

謀是謂參之疏又云十人之長執鉦百人之帥執鋒千

人之帥執鼙萬人之主執大鼓司勳注司馬法曰上多

下虜

今見有者不具列

左傳

成七年

注司馬法百人為卒二十五

人兩車九乘為小偏十五乘為大偏襄二十三年疏服

虔引司馬法謀帥篇曰大前驅啟乘車大農倅車屬焉

大農大殷也音相似此服虔自下已意王氏誤連引之又按周書武順篇一卒居前曰開一卒居後曰敦與此

文相

昭元年疏服虔引司馬法云五十乘為兩百二十

乘為伍八十一乘為專二十九乘為參二十五乘為偏

文選張孟陽魏都賦注司馬法曰師多則讀

說文引又有人字

云明君不寶咫尺之玉而愛寸陰之旬說文耳部司馬

法曰小罪朕中罪別大罪剋

古封禪羣祀二十二篇

文選注

四十

禮記逸禮曰三皇禪云云五帝禪亭亭御

覽引云三皇禪云云盛意也五帝禪亭亭特立於身也

三皇禪梁父連延不絕父死子繼也案梁書許懋傳引

禮記云三皇禪奕奕謂盛德也五帝禪亭亭特立獨起

於身也懋據伏羲封太山禪云云不禪奕奕則文選注

御覽作云云者誤也管子有封禪篇即古封禪禮也今

其篇亡僅見史記所引

續志注莊子曰易姓而王封於泰山禪於梁父者七十有二代

其有形兆垠塢勒石凡千八百餘處御覽五百三十六桓譚新論同

封禪議對十九篇

牛弘所云泰山通義卽此宇文愷明堂議曰武帝元封

二年立明後上無室其外略依此制泰山通議今亡不

可得而辨

兒寬傳議封禪之事諸儒對者五十餘人

漢封禪羣祀三十六篇

史記上令諸儒習射牛草封禪儀光武封禪亦有馬第

伯封禪儀記

議奏三十八篇

隋志石渠禮論四卷戴聖撰

按石渠禮者戴聖問人通漢章立成蕭望之等所

題戴聖非也

梁有羣儒疑義十二卷戴聖撰亦石渠之類歟

按石渠白虎二京盛典然白虎論專尙俗學雜引纖緯
屑屑颺縷使人生厭石渠議禮諸儒具有義蘊粲然之
迹莫過於此尙書春秋隋志不載而禮論唐時尙完企
慕弗置就通典所引附於左禮三十三石渠禮議曰經云宗
子孤爲殤言孤何也聞人通漢曰孤者師傅曰因殤而
見孤也男子冠而不爲殤亦不爲孤故因殤而見之戴
聖曰凡爲宗子者無父乃得爲宗子然爲人後者父雖
在得爲宗子故稱孤聖又問通漢曰因殤而見孤冠則
不爲孤者曲禮曰孤子當室冠衣不純采此孤而言冠
何也對曰孝子未曾亡親有父母無父母衣服輒異記

曰父母存冠衣不純素父母歿冠衣不純采故言孤言

孤者別衣冠也聖又曰然則子無父母年且百歲猶稱

孤無疑不斷何也通漢曰二十而冠不爲孤父母之喪

年雖老猶稱孤禮三十七石渠議曰鄉請射告主人樂不告

者何也戴聖曰請射告主人者賓主俱當射也夫樂主

所以樂賓也故不告於主人也宣帝甘露三年三月黃

門侍郎臨原注失其姓按儒林傳臨爲少府梁邱賀之子奏經曰鄉射合樂大

射不樂何也戴聖曰鄉射至而合樂者質也大射人君

之禮儀多故不合樂也聞人通漢曰鄉射合樂者人禮

也所以合和百姓也大射不合樂者諸侯之禮也韋元

成曰鄉射禮所以合樂者鄉人本無樂故合樂歲時所以和合百姓以同其意也至諸侯當有樂傳曰諸侯不釋懸明用無時也君臣朝廷固當有之矣不必須合樂而後合故不云合樂也公卿以元成議是禮四十三石渠議聞人通漢問云記曰君赴於他國之君曰不祿夫人曰寡小君不祿大夫士或言卒死皆不能明戴聖對曰君死未葬曰不祿旣葬曰薨又問尸服卒者之上服士曰不祿言卒何也聖又曰夫尸者所以象神也其言卒而不言不祿者通貴賤尸之義也通漢對曰尸象神也故服其服士曰不祿者諱辭也孝子諱死曰卒禮四十一石渠

禮曰諸侯之大夫爲天子大夫之臣爲國君服何戴聖
對曰諸侯之大夫爲天子當纓纓旣葬除之以時接見
於天子故旣葬除之大夫之臣無接見之義不當爲國
君也聞人通漢對曰大夫之臣陪臣也未聞其爲國君
也又問庶人尙有服大夫臣食祿反無服何也聞人通
漢對曰記云仕於家出鄉不與士齒是庶人在官也當
從庶人之爲國君三月服制曰從庶人服是也

按宣帝稱制以

決

又問曰諸侯大夫以時接見天子故服令諸侯大夫

臣亦有時接見於諸侯戴聖對曰諸侯大夫臣無接見

諸侯有時使臣奉賀乃非常也不得爲接見

按周禮說惟大國之

孤接見天子爾

至於大夫有年獻於君君不見亦非接見也侍

郎臣臨待詔聞人通漢等皆以爲有接見義

禮四十九漢石

渠議問父卒母嫁爲之何服蕭太傅云當服周爲父後則不服韋元成以爲父歿則母無出義王者不爲無義制禮若服周則是子貶母也故不制服也宣帝詔曰婦人不養舅姑不奉祭祀下不慈子是自絕也故聖人不爲制服明子無出母之義元成議是也石渠禮議又問夫死妻稚子幼與之適人之子後何服韋元成對與出妻子同服周或絕以爲子無絕母應三年

禮五

石渠禮

議戴聖曰大夫在外者三諫不從而去君不絕其祿位

使其嫡子奉其宗廟言長子者重長子也承宗廟宜以

長子爲文

嫡妻之長子也

蕭太傅曰長子者先祖之遺體也大

夫在外不得親祭故以重者爲文宣帝制曰以在故言

長子

按經言妻長子爲舊國君特稱舊國君則長子亦隨父而去矣本自無服傳言未去謂欲去未去之

頃適值君喪則制此服若如戴聖議嫡子奉其宗廟則自有臣爲君服本條何得止齊衰三月乎禮五十二

石渠禮議戴聖對曰君子子爲庶母慈已者大夫之嫡

妻之子養於貴妾大夫不服賤妾慈意則總服也其不

言大夫之子而稱君子子者君子猶大夫也

禮五十二石渠

禮議問曰大夫降乳母耶聞人通漢對曰乳母所以不

降者報義之服故不降也則始封之君及大夫皆不降

乳母

禮五十六

漢石渠議大宗無後族無庶子已有一嫡子

當絕父祀以後大宗不戴聖云大宗不可絕言嫡子不

爲後者不得先庶耳族無庶子則當絕父以後大宗聞

人通漢云大宗有絕子不絕其父宣帝制曰聖議是也

禮五十九

石渠禮議曰經云大夫之子爲姑姊妹女子子無

主後者爲大夫命婦者唯子不報何戴以爲唯子不報

者言命婦不得降故以大夫之子爲文唯子不報者言

猶斷周不得申其服也宣帝制曰爲父母周是也

禮六十三

石渠禮議蕭太傅云以麻終月數者以其未葬除無文

節故不變其服爲稍輕也已除喪服未葬者皆至葬反

服庶人爲國君亦如之宣帝制曰會葬服喪衣是也或問蕭太傅久而不葬唯主喪者不除今則或十年不葬主喪者除否答云所謂主喪者獨謂子耳雖過期不葬子義不可以除又通典禮四十二姜輯議渤海王服范太妃事按薛公謀議皇子以封爲王列土守藩不得戚於天子者父卒爲母三年禮五十三鄭志答趙商下薛公謀議曰按春秋庶子爲君則母稱夫人故昭公之母齊歸卒經書曰夫人歸氏薨昭公不戚叔向曰君有三年之喪而無一日之戚此與鄭注相反蓋爲公羊之學明孔子以義書叔向以禮譏也以上兩條疑亦石渠奏也薛公薛廣德本傳爲博

士論注疏亦開引石渠論詩既醉疏石渠論周公祭天

周以后稷文

附禮戴說

五經異義有二戴禮說志於他經並載解故章句說三

種獨於禮遺之非也今於注疏所引補其梗概曲禮疏

刑不上大夫哀公問疏禮戴說天子親迎檀弓疏戴說

說虞主埋於壁兩楹之間王制疏禮戴說同王制文禮

器疏戴說引此燭柴盆瓶之事為竈神郊特牲疏禮戴

說同郊特牲文明堂位疏今戴禮說引盛德記云云昏

義疏今大戴禮說公羊隱元年疏今禮

戴說男子陽也成於陰故二十而冠

附戴德喪服變除一卷

新舊唐志目同通典凶禮引之今采其有論說者附之

童子喪服議戴德變除曰童子當室謂十五至十九爲父後持宗廟之重者其服深衣不裳其餘與成人同禮不爲未成人制服者爲用心不能一也其能服者亦不禁纓經不以制度惟其所能勝喪殤戴德云七歲以下至生三月殤之以日易月生三月哭之朝夕卽位葬於園旣葬止哭不飲酒食肉畢喪各如其日月此獨謂父母爲子與昆弟相爲耳改葬服議漢戴德云制總麻具而葬葬而除謂子爲父妻妾爲夫臣爲君孫爲祖後也無遺奠之禮其餘親皆弔服

附
叔孫通漢儀十二篇

蕭子顯志禮云叔孫通制漢禮而班固之志不載後書
曹褒傳肅宗召褒詣嘉德門今小黃門侍班固所上叔
孫通漢儀十二篇敕褒曰此制散略多不合經今宜依
禮條正使可施行褒復爲百五十篇王氏攷證云十二篇不著於七略蓋
與律令同錄藏於理官法家南史沈文阿云叔孫定禮
尤失前憲莫費不珪致享無帛公王同璧鴻臚奏賀若
此數事未聞於古三禮注疏今按傳注所云漢儀略有
引漢禮器制度通所作也

其槩縫人注禮器制度飾棺天子龍火黼黻皆五列又
有龍嬰二其戴皆加璧典瑞注漢禮瓚槃大五升口徑
八寸下有槃口徑一尺疏云此據禮器制度小祝注杜子春云漢
儀每街路輒祭王制注禮制周猶以十寸爲尺喪大記

注漢禮大槃廣八寸長丈二深三尺赤中夷槃小焉

凌人

注引同作

又鑿以木爲筐廣三尺高二尺四寸方兩角

高衣以白布詩卷耳疏禮圖依制度云疊刻木爲之行

葦疏禮器制度注勺五升經六寸長三尺哀公問疏異

義高祖時皇太子納妃

據外戚傳云惠帝卽位以公主女配爲皇后

叔孫通

制漢禮以爲天子無親迎鄉射疏引漢禮云五武成步

步六尺三禮圖禮器制度冕制皆長尺六寸廣八寸天

子以下皆同又射罰爵之豐作人形豐國名其君坐酒

亡國載杼以爲戒又水器尊卑皆用金韞續漢輿服志

注漢制度曰戎立車以征伐然注家類書所引或有與

衛宏漢儀相亂

鄭禮器注之壺大一石瓦甗五斗疏云漢禮器制度文也又禁如今方案隋長

局足高三寸

凡禮十三家

按志所次但本七略不與別錄相應知者禮記正義鄭目錄云曲禮王制禮器少儀深衣於別錄屬制度檀弓禮運玉藻大傳學記經解哀公問仲尼燕居孔子閒居坊記中庸表記緇衣儒行大學別錄屬通論月令明堂位於別錄屬明堂陰陽曾子問喪服小記雜記喪大記奔喪喪服閒傳三年問於別錄屬喪服文王世子內則於別錄屬世子法世子法郊特牲祭法祭義祭統於別

錄屬祭祀投壺冠昏鄉射燕聘之義於別錄屬吉禮吉
事樂記屬樂記則彼於禮之目自有五種使人尋省如
此志殆無從識別也

禮古經出於魯淹中

古經之出有三說後書儒林傳云孔安國所獻論衡佚
文篇云魯恭王發孔子宅得禮三百上言武帝武帝遣
吏發取隋志古經出於淹中而河間獻王好古愛學收
集餘燼得而獻之合五十六篇並威儀之事接本傳云
獻王所得書周官尙書禮禮記言獻王得者是也下文
云及孔氏則志亦兩歧其說范書殆本於此孔氏因舉

可名之孔安國言之爾論衡正說又云河內女子發

屋得佚禮一篇又不言何篇疑充妄說

閭若璩見孔安國所獻一語又

誤讀訛文遂謂康成所注古文爲安國之本并謂安國有功於禮學瑣論從祀眞老僉語耳

學七十篇相似

劉原父正之曰學當作與七十當作十七

推士禮而致於天子之說

按專言士禮僅冠昏相見喪禮上下虞禮特牲七篇其他皆君大夫禮也卽以喪服言之三年之喪自天子達雖貴與士庶同也經未嘗缺也天子諸侯絕旁期本無其禮也經不言士者皆通禮也諸侯爲天子與嫁於諸

與寄公爲國君皆在焉寧有不備者乎攷證引朱氏曰
燕射朝聘士豈有是禮而可推耶蓋班氏未嘗讀十七
篇之文而爲是言矣

樂記二十三篇

樂記疏今樂記所斷取十一篇合爲一篇謂有樂本有
樂論有樂施有樂言有樂禮有樂情有樂化有樂象有
賓牟賈有師乙有魏文侯餘十二篇按別錄奏樂第十
二樂器第十三樂作第十四意始第十五樂穆第十六
說律第十七季札第十八樂道第十九樂義第二十招
本第二十一招頌第二十二賓公第二十三風俗通聲

音篇謹按禮樂記五弦筑身也遂樂記武帝時邱仲之
所作也竽樂記竽三十六簧也長二尺四寸籟樂記三
孔籟也劉昭注明堂論樂記曰武王伐殷爲俘馘於京
太室皆其逸篇律厯志孟康曰禮樂器記管漆竹長一
尺六寸

王禹記二十四篇

定七略時與劉向所校並存其增多一篇無攷樂記疏

王禹二十四卷記無所錄也

御覽十七禮樂記曰春生夏長秋收冬藏土所以不

名時者地土之別名也比於五行最尊故是居部職也
又曰萬物懷任交易變化始起先有太初然後有太始
形兆既成名曰太素混沌相連視之不見聽之不聞然
後剖判清濁既分精輝出布庶物生精者爲三光濁者

為五行五行生情性情性生汗中汗中生神明
神明生道德道德生文章按此或樂記佚文

雅歌詩四篇

河閒獻王傳武帝時獻王來朝獻雅樂宋書樂志魏雅

樂四曲一曰鹿鳴二曰騶虞三曰伐檀四曰文王騶虞

伐檀文王並左延年改其聲正旦大會太尉奉璧羣后

行禮東箱雅樂郎作者是也

鄭樵通志略云漢雅樂郎杜夔所得於三百篇者惟

鹿鳴騶虞伐檀文王四篇太和未又失其三左延年所得鹿鳴一篇按晉志杜夔傳舊雅樂四篇皆古聲辭太

和中左延年改夔騶虞伐檀文王三曲更自作聲節放晉宋二志只謂左延年改之樵便為先亡何其粗疎而

妄說也琴操古琴曲有歌詩五曲一曰鹿鳴二曰伐檀三曰騶虞四曰鵲巢五曰白駒此別是琴曲非歌詩也

雅琴趙氏七篇師氏八篇龍氏九十九篇

長門賦注七略曰雅琴琴之言禁也雅之言正也君子

守正以自禁也

陳祥道禮書引樂書曰琴長八尺一寸正度也絃大者爲君而居中央商居左

旁其餘大小相次不失次序君臣之位正矣

三禮圖桓譚新論正云今琴長

四尺五寸法四時五行後書儒林傳劉昆能彈雅琴知

清角之操

注劉向別錄曰雅琴之意事皆出龍德諸琴雜事中

按襄二年傳穆姜

爲頌琴杜預云頌琴猶言雅琴然二琴形制長短實不

同三禮圖云雅瑟長八尺廣一尺八寸二十三絃頌瑟

長七尺二寸廣尺八寸二十五弦其他雅埴頌埴雅篪

頌篪雅簫頌簫並雅侈於頌則雅琴長於頌琴矣通考

頌琴在俗部十三弦柱如箏此則後來改作非古之頌

琴也爾雅大琴謂之離

趙定龍德二人
事見王褒傳

隋書音樂志沈

約奏別錄龍氏雅琴百六篇

按此蓋合趙氏七篇爲數
文選七略曰雅暢第十七

約之言誤也

御覽五百七十九劉向別錄曰宣帝使
鼓琴侍閑燕爲散操多爲之涕泣者也

附
樂元語

白虎通引樂元語曰受命而六樂樂先生之樂明有法

也又云東夷之樂持矛舞助時生也南夷之樂持羽舞

助時養也西夷之樂持戟舞助時殺也北夷之樂持干

舞助時藏也

公羊疏以
爲樂說

食貨志樂語有五均鄧展曰樂

元語河閒獻王所傳道五均事臣瓚曰其文云天子取

諸侯之士以立五均則市無二賈四民常均然志不能

如別錄分別篇目未知樂元語之文已在王禹記否茲

因王氏攷證附列故仍之王莽時又有樂經莽傳元始四年立樂

經三禮圖舊圖引樂經云黃鍾磬前長三律二尺七寸

後長二律一尺八寸此謂特縣大磬配鍾者也隋書

牛弘傳引劉歆鍾律書云春宮秋律百卉必彫秋宮春

律萬物必榮夏宮冬律雨雹必降冬宮夏律雷必發聲

續志注建初二年七月太常樂丞鮑鄴上言樂經曰十

二月行之所以宣氣豐物也月開斗建之門而奏歌其

律詳其言樂經與鍾律書實一書也周禮磬氏爲磬疏

按樂云與前禮圖所引同彼不知王莽有樂經故誤去

經字耳王充對作篇云陽成子張作樂按劉歆典領陽

城子長參預之耳御覽五百六十五風俗通引劉歆鍾

律書與隋書同

內史丞王定

樂記疏引作內史中丞王度誤

獻二十四卷記

禮樂志其弟子宋畢等上書言之

春秋古經十二篇

莊子天道篇孔子繙十二經以說老聃釋文一云春秋十二公經者是也小宗伯注鄭司農云古者立位同字

古文春秋經公即位爲公卽立

按周秦古器字類然

許慎云左邱

明述春秋皆以古文

按今本爲唐時竄改故與說文所引字體多不同惠棟云唐石經釋

文凡經傳中二十字皆作廿三十十字均皆作三十初孔穎達撰正義始改廿卅爲二十三十字殊失古義初

學記春秋兩家或具四時或不古文元事必具四時文

獻通考眉山李氏古經後序曰唐正元末陸渚纂例例

三傳經文差謬凡二百四十一條司馬遷言春秋文成
數萬張晏曰春秋才萬八千字遷誤也今細數之更闕
一千四百二十八字自杜預集解左氏合經傳爲一

經十一卷

二家合閔公於莊公故十一卷彼師當緣閔公事短不
足成卷并合之耳何休乃云繫閔公篇於莊公下者子
未三年無改於父之道其先俗師未見古文或分或合
猶可言也休已見古文強生賊心以自標異眞經學之
巨蠹 本朝齊侍郎召南言之當矣隋志吳衛將軍士
燮注春秋經十一卷

按吳志言燮春秋左氏傳尤簡練精微不知何緣注二家之經按

成公十年經左氏穀梁並有冬十月而公羊獨遺之爲其學者復生狂惑之論是二家經文之不同也公羊疏古者春秋左氏說今者春秋公羊說

左氏傳三十卷

吳世家贊余讀春秋古文乃知中國之虞與荆蠻句吳兄弟也此謂左氏傳也桓譚云遭戰國寢藏陸氏序錄其事實皆形於傳故隱其書而不宣所以免時難也然戰國諸子又嘗覩春秋傳而成書如韓非姦劫弑臣篇春秋記之曰楚王子圍將聘於鄭未出境聞王病而反云云此全依左氏傳也故十二諸侯年表序云鐸椒虞

卿呂不韋之徒各搃摭春秋之文以著書是先秦周末
並鑽研窺望其學獨屈抑於漢耳三十卷之書雖鈍置
者終年讀之亦可粗通柰何西京人物除賈誼史遷數
人外無能一觀使十二公事迹懵然若釋沈溺於俗學
可歎也御覽六百十 桓譚新論曰左氏經之與傳猶衣之
表裏相待而成有經而無傳使聖人閉門思之十年不
能知也

附
左氏說國

自賈生以後傳古學者不隨人事推遷可謂篤學善道
之君子雖其朴學不能與莊顏之徒利口詭辨乘便勢

者相抗又立說者往往自違其本傳致生瘡痕王制疏鄭駁異

義云左氏請侯奔天子喪及會葬有明文說左氏者云

葬侯不得奔其取守奔喪自違其傳夫人喪士會葬說

者致之然區區統緒以待劉歆賈逵而昌明之上甲微

非傳祠

之報不可設也晉宋以後惟知服杜唐乃祧服而祖杜

其始師講說湮沒無聞惜矣茲就許氏異義中錄之禮曲

疏左氏說既歿稱字而不名桓二年宋督弑其君與夷

及其大夫孔父先君死故稱其字王制疏古春秋左氏

傳說禹會諸侯於塗山執玉帛者萬國唐虞之地萬里

容百里地萬國其侯伯七十里子男王十里餘為天子

闕田又左氏說王喪赴者至諸侯既哭問故遂服斬衰

使上卿弔上卿會葬經書叔孫得臣如京師葬襄王以

為得禮又諸侯夫人喪士弔士會葬文襄霸士弔大夫

會葬叔弓如宋葬宋其姬上卿行過厚非禮禮運疏左

氏說麟中央軒轅大角之獸陳欽說麟是西方毛蟲禮

器疏左氏說躋僖公逆祀為大惡也郊特牲疏古春秋

左氏說周家封夏殷二王之後以爲上公封黃帝堯舜
之後謂之三恪又古左氏說其工爲后土后土爲社列
山氏之子曰杜死祀以爲稷稷是田正周奔亦爲稷自
商以來祀之雜記疏古春秋左氏說諸侯薨赴於鄰國
稱名則書名稱卒卒者終也取其終身又以尊不出其
國服問疏古春秋左氏說成風妾得立爲夫人母以子
貴禮也詩靈臺疏左氏說天子靈臺在太廟之中墜之
靈沼謂之辟雍諸侯有觀臺亦在廟中皆以望嘉祥也
詩臣工疏左氏說諸侯者天子藩衛純臣大司馬疏左
氏說治兵於廟禮也通典凶禮十五左氏說臣之奉君
悉心盡思不得錄君父有子則爲立廟無子則廢也又
左氏說諸侯未踰年在國內稱子以王事出則稱爵誡
於王事不敢伸其私恩鄭伯伐許是也又左氏說未踰
年之君未葬繫于父殺奚齊於次時父未葬雖未踰年
稱子成爲君不繫于父齊公子商人弑其君舍父已葬
又左氏說妾子爲君當尊其母有三年之喪而出朝會
非禮也故譏魯宣公又吉禮九晉徵士虞喜引左氏說
古者先王日祭於祖考月祀於曾高時享及二祫歲祫
及壇墠終禘及郊宗石室又王制疏左氏說卿大夫皆
世祿不世位父爲大夫死子得食其故采地而有賢才

則復父故位曲禮疏左氏說晉祀夏郊以董伯爲尸又
左氏說二名者楚公子弃疾弑其君卽位之後改爲熊
居是爲二名王制疏左氏說諸侯有功德於王室京師
有朝宿之邑泰山有湯沐之邑魯周公之後鄭宣王母
弟此皆有湯沐邑其餘則否又左氏說士葬先遠日辟
不懷言不汲汲葬其親不可行事廢禮不行庶人不爲
雨止郊特牲疏左氏說天子之子以上德爲諸侯得祀
所自出魯以周公之故立文王廟左傳宋祖帝乙鄭祖
厲王猶上祖也曲禮疏左氏說既葬反虞天子九虞九
虞者以柔日九虞十六日也諸侯七虞十二日也大夫
五虞八日也士三虞四日也既虞然後禘死於先死
者禘而作主謂桑主也期年然後作栗主又左氏說周
禮有司盟之官是知於禮得盟周禮鬯人疏左氏說凡
君薨禘而作主特祀主於寢畢三時之祭期年然後蒸
嘗禘於廟王制疏左氏說山林之地九夫爲度九度而
當一井蕝澤之地九夫爲鳩入鳩而當一井京陵之地
九夫爲辨七辨而當一井菑鹵之地九夫爲表六表而
當一井疆潦之地九夫爲蕝五蕝而當一井偃豬之地
九夫爲規四規而當一井原防之地九夫爲町三町而
當一井隰皋之地九夫爲牧二牧而當一井衍沃之地

公羊傳十一卷

九夫爲井賦法積四十五除山川坑岸三十六井定出
賦者九井則千里之畿地方百萬除山川坑岸三十六
萬井定出賦者六十四萬井長轂萬乘御覽五百三十
八異義曰古春秋左氏說閏以正時時以作事以厚
生不告閏朔棄時正也棄時正則不知其所行故閏月
不以朝者諸侯歲遣大臣之京師受十二月之正遂藏
於太廟月旦朝廟存神有司因告曰今月當行某正至
於閏月茲殘餘分之月無正故不以朝經嘗閏月猶朝
之者是也按許氏學於賈逵故異義多從左氏鄭君駁
之鄭本爲公羊學又篤信讎緯其與許立異未必是也

桓譚新論左氏傳遭戰國寢藏後百餘年齊人公羊高
緣經文作傳彌失本事論衡正說篇公羊穀梁之傳曰
月不具輒爲意使平常之事有怪異之說徑直之文有
曲折之義非孔子之心公羊宣十二年傳疏公羊子是

景帝時人愚嘗論之公羊何嘗爲聖經作傳直爲漢世
主作如意珠酷吏作護身符其巧構曲造回穴邪枉害
人心而亂治道莫此爲甚因緣際會猖狂於世且其文
辭鄙陋語言侏離俱到前後是目不識丁墟落乞兒伎
倆以之穢聖經可爲於邑

穀梁傳十一卷

陸賈新語道基篇穀梁傳曰仁者以治繞義者以利尊
則漢初已傳竹帛二家之學大約互相占伺更從竊聽
穀梁稍黠又後立故舉其新周故宋祭仲行權叔術妻
嫂之辭刊落若卽季姬遇防石曼姑圍戚汙邪之義悉

復隨同王制疏引鄭釋廢疾穀梁近孔子然其傳羌無
典物同是鄉壁虛造亦在漢時箸竹帛可知也且鄭所
據乃春秋緯何足依信鄭於三傳立異特不能慙置何
休其所言未必當三傳利病也觀其淪斷恐不足以塞
何休之口

鄭氏夾氏傳十一卷

王吉能爲騶氏春秋隋志王莽之亂鄭氏無師夾氏亡
此固先有其書故二劉著錄至班氏乃絕耳志下云夾
氏未有書非也按後書范升傳春秋之家又有騶夾如
今左氏得置博士騶夾並復求立則祕府雖亡而其私

學未絕也史記齊有三騶子莫知爲誰

坊記兩引魯春秋曲禮下注引

魯春秋齊高子來盟定當時又別有魯春秋歟儒林傳穀梁子本魯學

左氏微二篇

微者春秋之支別與鐸氏微同義顏籀解非

鐸氏微三篇

十二諸侯年表序鐸椒爲楚威王傳爲王不能盡觀春秋采取成敗卒四十章爲鐸氏灘序錄椒爲左邱明四傳弟子

張氏微十篇

疑張蒼

按此等皆一字無傳鹽鐵論引春秋曰算不及蠻夷則不行又曰其政恢卓恢卓可以爲卿相

其政察察察察可以爲匹夫又曰士守一不移循理不
外援其其職而已又曰山有虎豹葵藿爲之不采國有
賢士邊境爲之不害也又曰冬浚洙修
地理也皆不知其家所傳故附著之

虞氏微傳二篇

劉向別錄虞卿作鈔撮九卷授荀卿卿授張蒼

公羊傳五十篇穀梁外傳二十篇

公羊外傳其董仲舒玉杯蕃露清明竹林之類

公羊章句三十八篇

公羊疏顏安樂等解此公羊苟取頑曹之詞又莊顏之
徒以周王爲天囚何休序云講誦師言至於百萬猶有
不解後書張霸滅定嚴氏春秋爲二十萬言更名張氏

學

穀梁章句三十三篇

范甯序云釋者近十家疏云尹更始則漢時始爲章句

者也釋文敘錄尹更始穀梁章句十五卷

王制疏馬昭難王肅曰尹

更始說天子七廟據周也張載魏都賦注尹更始曰天子以千里爲寰周官媒氏疏亦引其語按五經異義亦有穀梁說王制疏引葬既有曰不爲雨止穀梁傳疏引隕石於宋五象宋王德劣國小陰類也而欲行霸道是陰而欲陽行也其隕將拘執之象也通典禮三十二穀梁說魯僖公立妾母成風爲夫人入宗廟是子而爵母也以妾爲妻非禮也又公羊穀梁說王使榮叔錫魯桓公命追錫死者非禮也死者功可追而錫如有罪又可追而刑耶按桓公自不當錫天子自辱其命耳苟使王章昭明死者何爲不可追錫又奚不可以追罰耶若左氏譏其錫篡弑之君無譏錫死者之文許氏援之是矣

公羊雜記八十三篇

公孫弘學春秋雜說

詩烈祖正義異義引春秋公羊御史大夫貢禹說

公羊顏氏記十一篇

顏安樂所說熹平石經公羊碑有顏氏說按周官冥氏注鄭司農云讀爲冥氏春秋之冥則其徒冥都亦自名家隸釋碑復有倉氏春秋按公羊說最多不足錄檀弓疏異義妻甲夫乙毆母甲見乙毆母而殺乙公羊說甲爲姑討夫猶武王爲天誅紂可笑王制疏公羊諸侯夫人喪卿弔君自會葬許君謹案公羊說同盟諸侯薨君會葬其夫人薨君又會葬是其不違國政而常在路觀此

亦略見之矣

公羊董仲舒治獄十六篇

後書應劭奏曰董仲舒作春秋決獄二百三十一事動以經對隋志董仲舒春秋決事十卷崇文總目云至吳太史令吳汝南丁季江夏黃復平正得失今頗殘逸止

有七十八事通典

東晉成帝咸和五年散騎侍郎賀峻妻王氏上表云

董仲舒時

有疑獄曰甲無子拾道旁棄兒乙養之以爲子及乙長有罪殺人以狀語甲甲藏匿乙甲當何何論仲舒斷曰甲無子振活養乙雖非所生誰與易之詩云螟蛉有子蜾蠃負之春秋之義父爲子隱甲宜匿乙詔不當坐又

一事曰甲有子乙以乞丙乙後長大而丙所成育甲因

酒色有酒態也謂乙曰汝是吾子乙怒杖甲二十甲以乙本

是其子不勝其忿自告縣官仲舒斷之曰甲能生乙不

能長育以乞丙於義以絕矣雖杖甲不應坐御覽六百四十董仲

舒決獄曰甲父乙與丙爭言相鬪丙以佩乃刺乙甲即

以杖擊丙誤傷乙甲當何論或曰毆父也當梟首論曰

臣以愚父子至親也聞其鬪莫不有怵悵之心扶伏而

救之春秋之義許止父病進藥於其父而卒君子原心

赦而不誅甲非律所謂毆父不當坐又曰甲夫乙將船

會海盛風船沒溺流屍亡不得葬四月甲母丙即嫁甲

欲皆何論或曰甲夫死未葬法無許嫁以私為人妻當

棄市議曰臣愚以為春秋之義言夫人歸於齊言夫死

無男有更嫁之道也婦人無專制擅恣之行聽從為順

嫁之者歸也甲又尊者所嫁無淫之心非私為人妻也

不當

議奏三十九篇

石渠論

儒林傳太子太傅蕭望之等大議殿中平公羊穀梁同
異義三十餘事望之等各以經誼對多從穀梁禮運疏
異義公羊說哀十四年獲麟此漢將受命之瑞周亡失
天下之異其妄謹案公此下脫誤按儒林傳云穀梁議郎議郎尹更始
待詔劉更生等議石渠皆以爲吉凶不並瑞災不兼今
麟爲周亡天下之異則不得爲瑞以應孔子至

國語二十二篇

通考巽巖李氏曰昔左邱明將傳春秋乃先采集列國
之史國別爲語旋獵其英華作春秋傳而先取采集之

語草藁具存時人其傳習之號曰國語按此雖近似之言愈於陸渚葉夢得等妄論也柳宗元非國語其言邨夫子能道之乃亦編於書林乎若以左氏之言鬼神非是則書之盤庚金縢不當爲經也

世本十五篇

卽史記所采隋志世本王侯大夫譜二卷又世本二卷劉向撰又世本四卷宋衷撰蓋向等所注也新唐志云宋衷注又有宋均注帝譜世本七卷周禮小史奠繫世注謂帝繫世本之屬疏云天子謂之帝繫諸侯謂之世本

攷證項氏曰古者立氏必告於太史氏春秋之末知果別族於太史爲輔氏後世史職旣廢宗法又亡按

魏晉以降迄於唐代史官雖不掌其事然閱名家具有簿籍阜錄之于不得拔援清望猶有古之遺法至中國頻經喪亂華裔雜處斯道遂絕

戰國策三十三篇

劉向奏云除複重得三十三篇中書本號曰國策或曰國事或曰短長或曰事語或曰長書或曰脩書臣向以爲戰國時游士輔所用之國爲策謀宜爲戰國策攷證姚氏按姚寬校定總四百八十餘條太史公所采九十餘條其事異者止五六條

奏事二十篇

秦時大臣奏事刻石名山文

此漢魏名臣奏事所始按始皇本紀奏事如王綰李斯

等所議也泰山刻石一琅邪刻石二之罘刻石三東觀

刻石四刻碣石門五

三十六年黔首刻石深疾惡之而效其刻石之事

會稽刻

石六二世元年東行郡縣到碣石南至會稽而盡刻始

皇所立刻石石旁著大臣從者名以章先帝成功盛德

、焉丞相斯請具刻詔書刻石凡七也隋志刑法篇漢名

臣奏事三十卷本紀二十八年上鄒嶧山立石不載其

辭宋鄭文寶模刻本則刻石有八也按水經注泗水篇

秦始皇登嶧山之上命丞相李斯以大篆勒銘山頂名

曰畫門與史記考之似本無嶧山頌德事宋書索虜傳

拓跋燾登鄒山見秦始皇刻石使人排倒之蓋卽李斯

勒石字自元和志寰宇記等所載並不言有文辭疑未能定也

楚漢春秋九篇

隋志九卷舊唐志二十卷御覽引之經籍考不載蓋亡

於南宋也

容齋隨筆曰陸賈書當時事而所言多與史不合若高祖之臣別有絳灌南宮侯張耳淮

陰舍人謝公按余嘗見明楊忠愍所書十八侯贊其名姓略與洪氏所指同史記索隱云十八侯位次楚漢春秋不同者陸賈記事高祖惠帝時漢書是後定功臣等列然如張耳韓信皆在高祖初年陸賈豈猶未及觀聞耶莫曉其參差之故

太史公百三十篇

十篇有錄無書

馮商所續太史公七篇

隋志題云史記蓋晉以後簪錄始改今名

呂氏謂十篇未嘗無書或

遷草具未成詳

說其大事記

今攷書中有題褚先生者

十二諸侯年表序建元侯

者表補外戚三王世家及田仁滑稽日者龜策等傳

有無題而知其補綴者景武

紀將相名臣表

迄成帝鴻嘉年

禮樂律志韋賢等傳或是馮商

所續也張湯傳贊引馮商語又有酈食其傳後公孫弘

傳後載元始中詔并班固贊秦始皇本紀後此等數經

後來并非西京之舊志但題馮商而不及褚少孫其疎

漏誠不免索隱引韋稜云褚顗家傳褚少孫梁相褚大

董仲舒

弟之孫宣帝時爲博士寓居沛事大儒王式故

號先生續太史公書阮孝緒亦以爲然按此乃始續太

史公者也據七略馮商事劉向爲元成閒人此再續太

史公也班彪傳云好事頗或綴集時事然多鄙俗不足

以繼

注云謂劉歆揚雄陽城衛褚少孫史孝山之徒此雜舉

論衡須頌篇揚子雲

錄宣帝以至哀平此三續太史公也又班彪作後傳數

十篇是漢書所起爲四續太史公也

劉知幾史通向歆及諸好事者若馮

商衡衡揚雄史岑梁審肆仁晉馮段肅金丹馮衍章融蕭奮劉恂等相次撰續迄於哀平間猶名史記

太古以來年紀二篇

隋志漢氏帝王譜三卷

漢著記百九十卷漢大年紀五篇

魏相奏云觀先聖高皇帝所述書天子所服第八後書

皇后紀平望侯劉毅云古之帝王左右置史漢之舊典

世有注記隋志起居注篇漢武帝有禁中起居注抱朴子論僊篇按漢禁中起居注云云此著記之類著與注同大年紀者文選注

二十四

謝承後漢書曰謝承父嬰爲

尚書侍郎每讀高祖及光武之後將相名臣策文通訓條在南宮祕於省閣惟臺郎升複道取急因得開覽此亦通繫年月大事若史記將相名臣表之類攷證云高祖文帝武帝紀臣瓚注引漢帝年紀蓋卽此書玉海又引律厯志劉歆厯譜著紀此乃諸帝在位紀年長短非注記也按唐世宰相撰時政記倣此

見姚瑋傳

凡春秋二十三家九百四十八篇

省太史公四篇

蓋武帝紀之類重複者

論語古二十一篇

釋文鄭康成云仲弓子夏等所撰定何晏序云古論惟

博士孔安國爲之訓說而世不傳皇侃序云古論分堯

曰下章子張問更爲一篇篇次以鄉黨爲第二雍也爲

第三篇內倒錯不可具說論衡正說篇武帝發取孔子

壁中古文得二十一篇序錄新論云又攷證云春秋正

義哀公問主於宰我釋文鄭本作主按古論語及孔鄭皆以爲

社主張包周等並爲廟主按公羊疏云古文論語哀公

字故何氏以爲廟主合兩疏問社於宰我今文論語無社

則今論語單作社字者非說文引論語皆古文也

齊二十二篇

多問王知道

別錄云齊人所學謂之齊論何晏序齊論語二十二篇

其二十篇中章句頗多於魯論

皇侃云雖齊魯舊篇同而篇中細章文句亦多

於魯論也諸說並與志同惟王充云齊魯二河閒凡三十篇

今時失九篇此許慎所謂野言也初學記

二十逸論語

曰玉十謂之區

此不似論語

璠璣魯之寶玉也孔子曰美哉

璠璣遠而望之奐若也近而視之瑟若也一則理勝一

則孚勝說文玉部逸論語曰玉粲之璫兮其璫璫也又

如玉之璠

魯二十篇

別錄云魯人所學謂之魯論隋志張禹本授魯論晚講

齊論後遂合而考之刪其煩惑除去齊論問王知道二

篇從魯論二十篇爲定號張侯論當世重之禹傳云欲爲論念張

文周氏包氏爲之章句按此則石經所刻是也碑末有

盍毛包周同異增損之記何晏序漢末大司農鄭氏就

魯論篇章攷之齊古以爲之注鄭志關雎樂而不淫哀而不傷注云哀世夫婦

不得此人不爲滅傷其哀詩箋以哀爲衷此以衷爲義答劉炎云論語注人閒行久義或宜然不復定以遺後

按此節注皇侃釋文鄭校周氏之本以齊古讀正凡五

義疏亦引之十事又傳不習乎魯讀傳爲專今從古又不知命無以

爲君子也魯論無此章今從古

傳十九篇

疑孔安國所傳按家語後序博士孔衍言光祿大夫劉向以其爲時所未施之故論語則不使名家然祕府蓋無安國傳

齊說二十九篇

王吉以論語教授張禹傳云王陽說論語

魯夏侯說二十一篇

夏侯勝傳受詔撰論語說

魯安昌侯說二十一篇

張禹傳禹爲師以上難數對已問爲論語章句獻之

魯王駿說二十篇並傳說三卷

以上皆論語說樂記疏異義今論語說鄭國之爲俗有
漂洧之水男女娶會謳歌相感故鄭聲淫

孔子家語二十七卷

隋志二十一卷王肅解

梁有當家語二卷
魏博士張融撰

有孔安國後

序曰並時弟子取其正實而切事者別出爲論語其餘
則多集錄之名之曰孔子家語荀卿入秦昭王從之間

儒術荀卿以孔子之語及諸國事七十二弟子之言凡

百餘篇與之

按荀卿豈能如墨翟惠施較書盈車乎若
果孔子家書荀卿乃不易得也秦輕衛術

肯輕以章甫
貽越人乎

始皇之世李斯焚書而孔子家語與諸子

同列故不見滅

按秦斂民間書燒之本不焚毀官所有也何消說

高祖克秦悉

斂得之呂氏專漢取歸藏之

按呂氏暴貴啖肉未暇何事學博士所為

其後

被誅亡而孔子家語乃散在人閒

孔氏詩書之府竟無別本在者乎

好

事者或各以意增損孝景皇帝末求遺書得呂氏之傳

元封之時吾仕京師竊懼先人之典辭將遂泯沒於是

因諸侯公卿大夫私以人事募求其副悉得之

霍山坐寫祕書

安國乃可乃以事類相次撰集為四十四篇按此序即

募其副乎出王肅之手并私定家語以難鄭學

晉代為鄭學者馬昭張融並不之信

張融云春秋迎夫人四時通用家語限以冬不符春秋
非孔子之言也又同母異父之昆弟死家語孔子以為
從於繼父而服馬昭云異父昆弟恩繫於母不於繼父見通典
王制疏家語先儒以為

肅之所作未足可信按肅惟取婚姻喪紀郊禘廟祫與鄭不同者麤入家語以矯誣聖人其他固以有之未可
竟謂肅所造也

孔子三朝七篇

今大戴記千乘

第六十七

四代

六十

虞戴德

六十

誥志

第七十

小辨

七十

周兵

七十

少閒

七十

劉向別錄曰孔子三見

哀公作三朝記七篇今在大戴記是也

疑已在記百三十一篇中此爲

重出顏籀僅云有一篇彼蓋未見大戴記也晉中經簿亦

名三朝八卷

見蜀秦必傳注

孔子徒人圖法二卷

隋志孝經內事星宿講堂七十二弟子圖一卷蓋本諸此而別標詭異之名史記仲尼弟子傳贊云弟子籍出孔氏古文近是文翁石室圖七十二弟子舊有圖法皆出壁中者矣家語弟子解亦與史記不同御覽三百七十論語摘輔象仲弓鉤文在手是謂知始宰我握戶是謂守道子貢山庭斗繞口子游手握文雅是謂敏士子夏握正是謂受相濬臺滅明歧掌是謂正直公冶長手握輔是謂習道公伯周手握直期是謂疾惡

故謂之論語

皇侃序云依字爲論者言此書出自門徒必先詳論人

人愈見然後乃記記必已論故曰論也王充正說云孔安國以教魯人扶卿官至荊州刺史始曰論語按扶卿與蕭望之同時又自傳魯論充又謬論也

張氏最後而行於世

皇侃序云張禹就夏侯建學魯論兼講齊說擇善而從之號曰張侯論今日所講卽是魯論爲張侯所學

孝經古孔氏一篇

許慎序以爲壁中許沖上說文解字奏云古文孝經者孝昭帝時魯國三老所獻建武時給事中議郎衛宏所校按此與序不同疑孝昭字誤隋志古文孝經一卷

孔安國傳梁末亡逸今疑非古本古文孝經與古文尙書同出而長孫有闡門一章其餘經大較相似篇簡缺解又有衍出三章並前合爲二十二章孔安國爲之傳至劉向典校經籍以顏本比古文除其繁惑以十八章爲定鄭眾馬融並爲之注

釋文馬融亦作古文孝經傳而世不傳

梁代安

國及鄭氏二家並立國學而安國之本亡於梁亂陳及周齊惟傳鄭氏至隋祕書監王劭於京師訪得孔傳送至河間劉炫炫因序其得喪述其義疏講於人間漸聞朝廷後遂著今與鄭氏並立儒者誼誼皆云炫自作之

按時因劉炫習造僞書故疑百真爲一妄要孔氏孝經流傳已久不應人間遂絕

通考崇文總

目云今孔注不存而隸古文與章數存焉中興藝文志

自唐明皇時議者排毀古文以闔門一章爲鄙俗而古

文遂廢

乾隆中於日本得孔安國傳孝經安國自序云魯其王使人壞夫子講堂於壁中石函得古文

孝經

二十二章載在竹牒其長尺有二寸字科斗形魯

三老

孔子惠抱詣京師獻之天子天子使金馬門待詔

學士

與博士羣儒從隸字寫之還子惠一通以一通賜

所幸

侍中霍光云云又有日本享保十六年信陽太宰

純序

云宋人尊信孝經者莫若司馬溫公然特得古文

本經

而讀之耳不觀孔傳也自二程至朱熹皆疑孝經

以爲

後人所擬作朱氏又妄改易本經篇章著角經一

章傳

十四章且刪去其本文二百餘字孔子曰信而好

古若

朱氏者可謂拂矣今朱氏之徒不讀孝經而學心

法其

不爲汙屠之歸者幾希按朱氏書名孝經刊誤刪

削經

文二百二十三字改汗簡目錄云李士訓記異曰

經之

弊乃爲外國所譏之

大厓初予帶經鉏瓜於澗水之上得石函中有絹素古

文孝經一部二十二章壹阡捌佰叁拾貳言與桓譚字

數同

日本所傳止千八百六十一言

孝經一篇

隋志秦焚書爲河閒人顏芝所藏漢初芝子貞出之凡
十八章呂覽察微篇引孝經曰高而不危六句黃氏震
日鈔云觀彼所引孝經固古書也然則朱氏之徒有謂
其非古書矣又春秋繁露五行對河閒獻王問溫城董
君稱孝經夫孝天之經地之義此則漢世始行而獻
王首述之也

長孫氏說一篇

廣韻漢複姓齊大夫長孫修儒林傳韓詩學有長孫順
疑此人耳

江氏說一篇翼氏說一篇后氏說一篇

其說見五經異義中

郊特牲疏今孝經說曰社者土地之主土地廣博不可徧敬封五土

以爲社稷者五穀之長穀最
多不可徧敬故立稷而祭之

雜傳四篇

祭祀志注蔡邕明堂論引魏文侯孝經傳曰太學者中
學明堂之位也

爾雅三卷二十篇

釋文序錄云釋詁一篇蓋周公所作釋言以下或言仲

尼所增子夏所作叔孫通所益梁文所補張揖論之詳

矣

張揖上廣雅表周公制禮以道天下著爾雅一篇以釋其義傳乎後司子歷書五百墳典散落惟爾雅常

存春秋元命包言子夏問夫子作春秋不以初哉首基爲始何是以知周公所造也李斯以降云云詩黍

離正義鄭駁異義云爾雅者孔子門人所作以釋六藝

之言異義又云地理志云殷因於夏無所變改班固不

以爾雅爲世法

陳氏書錄解題曰今書惟十九篇

小爾雅一篇

隋志李軌略解

舊唐志題李軌撰作

陳振孫曰漢志不著名氏唐

志有李軌解一卷今館閣書目云孔鮒撰蓋卽孔叢第

十一篇當是好事者鈔出別行按班氏時孔叢未著已

有小爾雅亦孔氏壁中文不當謂其從孔叢鈔出也

古今字一卷

儒林傳孔安國以今文字讀古文尙書論衡云壁中古
一文論語後更隸寫以傳誦晉書衛恆四體書勢曰秦用
篆書焚燒先典而古文絕

弟子職一篇說三篇

今爲管子弟五十九篇鄭曲禮注引之盛漢時單行也
說卽其師說王氏攷證遙屬孝經非也

父母生之續莫大焉

續日本古文作續孔傳云續功也陸氏釋文從鄭本作

續焉大焉按此言似續之事無大於此作續莫大焉爲是

故親生之膝

日本古文作親生毓之無膝下二字宋本古文與此志同按此言始生在膝下故親愛長而異宮有嚴君之義也毓之非是

史籍十五篇

說文解字叙大篆十五篇與古文或異

衛恆云或與古同或與古異世

謂之張懷瓘書斷云以史官製之用以教授謂之史書

凡九千字

元帝善史書應劭曰史籍所作大篆

唐玄度十體書曰逮王莽

此篇亡失建武中獲九篇章帝時王育爲作解說所

不通者十有二三又禿字王育說蒼頡出見禿人伏禾

中因以制字

說文亡字部引王育說天屈西北爲无醫字段惡姿也醫之性然得酒而使从酉王

育觀又爪部王育曰爪象形者也

說文引作史篇

夷字燕召公名史篇名醜又史篇讀制與

同

八體六技

說文繫傳臣錯按蕭子良以刻符募印合爲一體臣以

爲符者內外之信若晉鄙奪魏王兵符

按當云魏公子竊魏王兵符

又云借符以罵宋然則符者竹而中剖之字形半分摹

印屈曲填密秦璽文是子良誤合之署書者蕭子良云

漢高六年蕭何所定以題蒼龍白虎二闕羊欣云蕭何
覃思累月然後題之爰書者爰體八觚隨其勢而書之
以上入體具如韋昭所說許慎序又云亡新改定大書有古文奇字
篆書佐書繆篆鳥蟲書也與此志之蕭何所定者異

蒼頡一篇

許序云丞相李斯奏同文字罷其不與秦文合者斯作
蒼頡篇中車府令趙高作爰歷篇太史令胡毋敬作博
學篇皆取史籀大篆或頗省改所謂小篆者也俗儒見
蒼頡篇中幼子承詔因白古帝之所作顏之推書證篇
倉頡李斯所造而云漢兼天下海內并厠穉黥韓覆畔

討滅殘由後人所屬入非本文也

攷工記注倉莧篇有
飽發又鄭司農云倉

讀篇中
有柯楊

凡將一篇

隋志梁有後亡劉淵林蜀都賦注凡將篇曰黃潤纖美

宜制禪說文引相如說

草部管司馬相如說管或從弓
後從薤茵從韞口部淮南宋蔡

譌舞旁喻鳥部鶴從鳥安聲
又鰥從赤又蠻字相如從蚺

急就一篇

晁公武曰凡三十二章雜記姓名諸物五官等字以教

童蒙急就者謂字之難知者緩急可就而求焉

書斷口
惜云漢

元帝時史游作急就草解
散隸體書之漢俗隨簡

元尙一篇訓纂一篇

隋志三蒼三卷郭璞注合李斯揚雄後漢郎中賈訪滂

喜篇故曰三蒼

按章懷後書注李善文選注多引三蒼

許慎序訓纂篇凡

倉頡以下十四篇五千三百四十字

別字十三篇

蓋卽奇字劉歆子棻從揚雄學作奇字

倉頡傳一篇

公羊定四年注同門曰朋同志曰友疏云出倉頡篇漢主謂司馬遷曰李陵非汝同門之朋同志之友乎此倉

頡傳

杜林倉頡訓纂一篇

說文引揚雄說

肉部臘鳥腊也又全從市外部揚雄說外從足舊又疊字揚雄說以爲古理官

決罪三日得其宜乃行之又說拜從兩手下

杜林倉頡故一篇

隋志梁有杜林注倉頡二卷亡說文引杜林說

董字杜林曰藕

根莖字杜林說菱從多聲字杜林說蚺莖莖兒界字杜林以爲麒麟字又卑字杜林說以爲貶損之貶又菱字杜林說卜者黨相詐驗爲菱又斷字杜林以爲竹筥揚雄以爲蒲器又鼃字揚雄說區鼃蟲名杜林以爲朝旦非是又幹揚雄杜林說皆以爲朝車輪齊氏要術卷十倉頡解故曰芸蒿葉似邪蒿可食春秋有白藟可食之

太史試學僮

說文序尉律

漢九篇之一

學僮十七以上始試諷籀書九千

乃得爲吏

按此蓋通呼史書爲籀書非大篆之籀文也官府所行隸書通以爲史籀

書令史

漢官儀能通蒼頡史籀篇補蘭臺令史滿歲爲尙書郎
隸書

衛恒隸書勢曰秦旣用篆奏事繁多篆字難成卽令隸人佐書曰隸字漢因行之隸書者篆之捷也攷證云趙明誠曰庾肩吾云隸書今之正書也張懷瓘六體書論亦云程邈造字皆眞正亦曰眞書自唐以前皆謂楷字爲隸至歐陽集古錄誤以八分爲隸書

所謂秦篆者也

御覽

八十

古文奇字序曰秦改古文以爲大篆

當云小篆

及

隸字國人多誹謗怨恨

是時始造隸書矣

封演見聞記酈善長注水經云臨淄人發古冢得銅棺
前和外隱起爲隸字言齊太公六代之孫胡公之棺惟
三字是古餘同今書故知隸書非始於秦氏也按此隸
書在春秋之前但諸國或用或不用程邈觀其省易有
便於時故修改而獻非創造也然隸書之中又有分別
初學記引摯虞決疑要注曰尙書臺召人用虎爪書告

下用偃波書皆不可率學以防矯詐

各令記字於庭中

說文序孝平皇帝時徵沛人爰禮等百餘人令說文
未央廷中以禮爲小學元士

臣復續揚雄作十三章

隋志班固太甲篇在背篇說文亦引其說

隍字徐巡以爲凶也賈侍

中說隍法度也班固說不安也按許氏復取譚長尹彤官溥歐陽喬等說莫可攷

六體者古文奇字

王鳴盛商權曰許氏說文自序謂秦李斯省改史籀大篆作小篆又有隸書以趨約易而蒼頡古文絕矣自爾

秦書有八體

即前入體六技
章昭所注同

漢興尉律學僮以八體試

之亡新改定六書

見上

若依許氏則六體乃王莽所定西

漢試學童者入體非六體許氏是也蕭何本秦時吏自
宜沿襲秦故偽孔安國尚書序云科斗文字書廢已久
時人無能知者即倉頡古文也太史公自序云秦撥去
古文焚滅詩書晉衛恒書勢謂古文絕於秦漢興而人
不識古文故逸在祕府不立學官杜林得漆書古文語
其徒云古文不合時務可見古文遭秦而絕蕭何安能
以此試學童著之律令乎

漢書疏證卷二十四終

浙江書局刊

王家賢校

丁立誠校

董紹舒校